

筆記小說大觀

集

康林雜俎

明談孺木著

第四冊

進步書局校印

卷之二

一、...

二、...

三、...

四、...

五、...

六、...

七、...

八、...

九、...

十、...



東林雜俎義集目錄

彤管

孝慈高皇后無子

安妃姚氏

宮人戴氏書

沈瓊蓮

恭恪惠榮和靖皇貴妃鄭氏

端氏

孝節烈皇后周氏

孺人范氏

翁氏女師

林淑圓

妙錦皇姑

玄君

何夫人紫金掠

郭真順

金濂出妻

會稽范氏二女

項襄毅胡婦

婦人生鬚

女化男

貞女節婦解

莖婢再生

張安人柩白花

韓烈婦

秦昭奴

陳氏遺荒詩

吳江張烈婦

錢塘劉氏女

命婦能詩

武定橋烈婦

女士

寄夫詩

黃鶯兒詞

文侍

妒內

義妓陳氏

蘇州義妓

難婦

冬兒

秦良玉

忠順夫人書

彤管志餘

志怪

魏文紳

技餘

石續

鄧雲翁種牙方

張雷王八十

牟康民

萬歷末方士

蔡鼎

薄子理

柳敬亭張南坦二傳缺

土司缺

雲南缺

貴州缺

空玄

佛蛻

阿羅漢

目蓮石塔

阿育王舍利

達磨石像

玉石佛像

寧夏銅像

宋濂前生書華嚴經

藏經

觀音夢感經

佛牙

寶金和尚

僧娶妻室

鐵塔

釋迦塔

寶光寺泥丸栢

智慧菩薩

黃明女菩薩

達觀和尚

慈山和尚

關頭院

密雲和尚

僧大香反史詩

僧佛日送雲

祖師像

像不惹塵

求履僧

僧誑

張真人印劍

神樂觀歲給

張三丰

范達

桃林老道人

朔蓬頭

道人題壁

張福

馬自然求載通志

高石峰

呂僊自序

道士火遁

麻城道士

清和異人

苟道人

天主教明教附

烟鑿

柄相末路

狂誕

矜炫 缺

貪暴 缺

侵地 缺

黠猾 缺

纖嗇 缺

淫蕩 缺

緯候

五行

子日

制日伐日

上巳

競渡

中秋十六日

大小清明

矯偽 缺

匿喪 缺

豪橫 缺

奢侈 缺

偏嗜 缺

凶逆 缺

雄日

上戊上丁

立春

黃梅雨

火把節

九日

朔望行香

天門

月

風

二雨辨

雀錫

雷

江南二十八景

日本小歷

男產

人疴

雞腹小兒

飛蓆

大明門黑氣

鳳陽鼓樓

集異

名勝

石經山石經

破石山

金窰山朱書

邯山

二郎山

倚陽山

水神山

火山

呂梁山

石鏡山

陰陵山

齊雲山善惡

天台山僊女

僊居山蝌蚪篆

雲黃山

玉華山

伏龍山

玉泉山

孔子山

太山缺

成山缺

青山缺

東浮山缺

崖山

羅浮山

銅鼓山

金陵岡

飛來峰

回雁峰

六真洞

燕子洞

燕子巖

七盤坡

鴛公坡

檀兒崖

石峽

四道三谷

長平坡

大庾嶺

僊人籬

天花里

永義鄉

仁義鄉

捲簾莊

謊糧墩

鯨隄

博浪沙

紅土

山都

鐵城

碗子城

沁雪石

憂懼石

中丞石

棗陽石

掇刀石

望夫石

天涯海角石

雙魚石

文石

僧化石

鳳凰石

關索石

清涼石

松花石

石箭

石木魚

石樹

石鏡

石田

水晶營

地鏡水影

五色土缺

甜土缺

鹵城影

田名

響地

里牛

苧蘿村

佛蹟

佛光缺


城郭氣

海市

劉炳文海州紀程

古赤壁

物產



形管

孝慈高皇后無子

考陵享殿。太祖高皇帝高皇后南向。左淑妃李氏生 懿文皇太子。奉愍王晉恭

玉次皇□妃□氏生楚王魯王代玉郅玉齊王谷王唐玉伊玉潭玉又次皇貴妃□

氏生相玉肅玉韓玉藩玉又次皇貴人□氏生遼玉又次皇美人□氏生寧玉安玉

俱東列。碩妃生 成祖文皇帝。獨西列。見南京太常寺志。孝陵闈人俱云。孝慈

高皇后無子。具如志中。而王弇洲先生最博核。其別集同姓諸王表。自 懿文 成

祖外。秦愍王模晉恭王桐周定王楠俱母 高皇后。楚昭王植母昭敬太充妃胡氏

齊庶人樸母定妃達氏。潭王梓俱達氏出。趙王杞母□氏。魯荒王禮母寧妃郭氏。蜀

獻王椿代簡王柱谷庶人穗俱母惠妃郭氏。湘獻王栢母順妃胡氏。肅莊王樸母□

妃邱氏。遼簡王植母□妃韓氏。慶靖王梅母□妃余氏。寧獻王權母□妃楊氏。岷莊

王梗母□妃周氏。韓憲王松母□妃周氏。藩簡王模母貴妃趙氏。安惠王樸母□妃

口氏唐定王桓母賢妃李氏鄧靖王棟母惠妃劉氏伊厲王弁母麗妃葛氏吾學編
諸書俱同抑未考南太常志耶享殿配位出自宸斷相傳必有確據故志之不少諱
而微與玉牒牴牾誠不知其解或曰宋史杜太后生邕王光濟太祖太宗秦王廷美
夔王光贊而廷美傳云母陳國夫人耿氏非杜太后也鳴鳩之德均愛七子可以知
高皇后矣而高皇后無子何諱他王母以諸書及太常寺之志較之多不合楚魯
代鄧齊谷唐伊潭九王同母亦奇高皇后遺履藏奉先殿脩口寸組雙鳳首綴大
珠歲六月六日曝之

女官黃惟德南海人洪武廿年選入宮命為司寤初名陳妹永樂初賜今名信任益
隆宣德七年乞骸南歸皇太后命留又為詩賜之皇明列聖御宸宇偉烈宏謨冠
千古重惟仁化本家邦內廷百職需賢良咨爾惟德女中士自少從容知禮義一從
應召入皇宮夙夜孜孜勤乃事昔時黑髮今如霜歲月悠悠老將至九重聖主天地
仁欲使萬物同陽春體茲德意賜歸去乃心感激情忻忻嶺海迢遞千萬里潞河宮
棹春風裡賜衣宮錦溢光輝親戚相迎人揔喜喜爾富貴歸故鄉我心念爾恆不忘
綠筆題詩意難盡自極天南去雁翔其姪女即大學士梁儲母也亦累贈至一品夫

人同時有葉女官者。番禺人。少有淑質。通列女傳。洪武廿四年間。其孝故選入宮。擢為女官。因召其父碧山弟祖道詣闕賜宴。俱授錦衣衛鎮撫。賚以幣。復其家。又有王司綵者。番禺人。永樂二年選入宮。為女官。時年少。權妃方見幸。特推同輩之愛。固辭曰。臣妾。嫠婦也。安敢充下陳哉。上重之。從其意。司綵有文學。能詩。蓋宋昭容之流。而持操過之。所作宮詞。至今人猶傳誦。

洪武廿年。詔選民間淑女入宮。分司六尚。番禺陳二妹。字瑞貞。仲裕女也。貌端莊。與馬。入見。使並六尚事。陳善六書。曉大義。精女工。嬪嬙皆師事之。人稱為女中君子。二十四年。命為司綵。賜歸省。仍給祿。眷甚。歸家。閨範嚴肅。人罕見其面。有司候饋。皆辭卻之。文皇即位。以司綵熟知典故。召復原職。年四十。以病終於官。遣中使護喪歸

墓。

永樂中。賢妃權氏。順妃任氏。昭儀李氏。婕妤呂氏。美人崔氏。俱朝鮮國王李芳遠所進。權妃穠粹。善吹玉簫。見幸。永樂八年。從征。還至臨城。薨。謚恭獻。芳遠驛送妃父。永均至。食光祿大夫祿。尋遣歸。正德中卒。白金米布。賻賜有嘉。權氏薨時。後司綵王氏作宮詞。瓊花移入大明宮。旖旎濃香韻晚風。贏得君王留步輦。玉簫嘹唳月明中。蓋

指權妃也。

安妃姚氏

憲廟安妃姚氏嘉興人。家貧。習紵繅。質市。目無忤視。嘗盥。見醜水中。有日月雲霞五色。扇夾侍。甚怪之。應選入宮。髮素種種不盈尺。登舟過平望。一夕髮長委地。今地名曰八尺。後進位安妃。生壽王妃弟福圓。拜錦衣衛指揮同知。子錦。孫承勳。累蔭千戶。嘉興府志今秀水太子太保工部尚書姚思仁。即姚妃後。按宋陸游入蜀記。過平望二十里。曰八尺。則前說殊謬。且麗人之選法。必應圖。玄夷之髮。其光可鑑。安事種種為也。

宮人戴氏書

戴氏湯溪人。選侍坤寧宮。三見御。弘治十年。太監寧某來縣。宮人手書寄問母弟安否。離別思憶之情。悽然滿紙。今其書具存。并有宮中小畫等物。湯溪縣志

沈瓊蓮

弘治間女學士沈瓊蓮。字瑩中。烏程人。寄兄詩。疏明星斗夜珊珊。玉貌花容列女官。風遞鳳凰天樂近。雪殘鴛鴦曉樓寒。昭儀引駕臨丹宸。尚寢薰衣熱紫檀。肅肅六宮

逸史總春風前殿想鳴鸞。又宮詞十首。

香霧濛濛罩碧窗。青燈的的燦銀缸。內人何處教吹管。驚起庭前鶴一雙。
倦把青絨繡紫絃。閣針時復卜燈花。明朝天后長生誕。可有恩波徧及麼。
萱蔻花封小字絃。寄聲千里落雲帆。一春從不尋芳去。高疊香羅舊賜衫。
天子龍樓瞥見粧。芙蓉圍殿試羅裳。水風涼好向西坐。專把書經教小王。
曉臨鸞鏡整疏粧。高髻斬新一尺長。花影瑣窗人下直。開籠自放雪衣娘。
明窗棐几淨爐薰。開閱倦書小篆文。晝永簾垂春寂寂。碧桃花映石榴裙。
海東青放渡遼煙。天上羣鷁得自專。勅諭鷹房高索價。聖王廿載絕游畋。
御柳青青燕子愁。萬條齊水弄春柔。東風不與閒人贈。誰去江南□□洲。
尚儀引見近龍牀。御筆親題墨瀋香。幸得唱名居第一。沐恩舞蹈謝君王。
翠絲蟠袖紫羅襪。偷把黃金小帶舒。中使傳宣光祿宴。內家學士作新除。

右沈氏董穀碧里雜存載其一云送弟溥。又悞為周氏。吳興藝文補載藝文八首。
恭恪惠榮和靖皇貴妃鄭氏

鄭貴妃父承憲。貧甚。以女許孝廉某為妾。臨別悲慟。孝廉聞之。遣還。不責聘。鄭感甚。
脫隻履予孝廉。矢報。已入宮。大得幸。念前事。忘其名。命小璫售隻履於市。索值若干。

無應者。時孝廉計偕聞而往。合其履。妃泣告於上。非若人妾不及執巾櫛矣。亡何孝廉謁選。得善地。歷□□鹽運使。張道濟說貴妃生福玉。常有如意之愛。上書其名於金盒。屬妃藏之。約他日東宮之徵也。辛丑十月。皇后子受冊東宮。貴妃不懌。持盒泣訴。上啟之。書字皆蝕。歎曰。此天也。錢塞庵相國說

端氏

天啟初選宮。南都以於氏端氏應。并入內。偶啖麪。端氏一箸。於氏再箸。嫌其失儀。出之。於氏尤妍麗。

孝節貞肅恭莊毅烈皇后周氏

周皇后父奎。寓京師。奎微時。寄食為人筦庫。元配生子鑑。繼丁氏生子某某。及后。後廢中宮。以鑑從長。不許。初。信王選婚。終安布素。維得紘服。念其父貧。輒資之。初不意關雎之咏也。既。信邸入正大位。后生。東宮及定王。貴妃田氏生永王。悼靈玉。貴妃漸寵。謀奪嫡。一日。永和宮婢□□於金梭狎下。誤觸定王。田氏居永和宮中宮弗善也。上嘗召貴妃。妃例御鳳輿。小璫昇之。是日昇以宮婢。上問故。曰。小璫多恣肆。無狀。問其實。曰。聞坤寧宮小璫狎宮婢。故遠之耳。上色動。卽搜其處。大得狎具。蓋

宮人各侶其璫。所謂對兒也。上驟怒。立遣諸小璫。司禮太監□□請少寬之。如三殿下。何小璫某年十八。美姿制。時俾中宮命於外家。幸不值。中宮因懟恨成疾。吐血。有老宮人謂曰。田氏宮中獨無對兒乎。亦可搜也。果大得狎具。上疑始釋。都督田弘遇聞之大恐。嗾貴妃上章引咎。上意解。令省愆。例閉中門。從旁出。且以章示中宮。示無嫌也。其章出御史湖南劉興祥筆。蓋弘遇所囑云。貴妃省行亦屢矣。壬午貴妃薨。明春弘遇進其少女。年十三。見寵。欲即進封。司禮太監某言。貴妃以選入。非外進也。乃止。賜珠簾等有差。亂後走天津。珠簾猶存。今為朝士某妾。

崇禎庚辰。上因皇五子之變。特命各郡縣崇祀九天僊母廟。

以上俱宮闈。

孺人范氏
臨江府志。范氏清江人。博通經史。洪武初召為女使。授孺人為宮中姆師。一日高皇問前代何后最賢。家法何代最正。對曰。惟趙宋諸后多賢。家法最正。命錄進。更誦聽之。凡降內制。多范為定詔。賜歸老於家。

翁氏女女師

普江御史翁慶。巡按四川。不避權貴。又勅往武當山獻玄武神眼珠。賜一品服。亡何坐累下獄。慶無子。長女詣闕上書請代。仁孝皇后召入宮。留之三月。為宮中女師。人以比緹縈。

林淑圓

莆田林淑圓。按察使林時之女。時觀政刑部。坐累下獄。發北京營建。淑圓年七歲。擊登聞鼓訴冤。仁廟盟國於其幼。飯之釋時。從任陝西。封左臂和粥。愈母疾。長嫁西。安左衛指揮使費銘。年七十。

妙錦皇姑

徐中山達第三女妙錦。文皇帝欲娶為繼后。女不可。因不嫁人。為尼。嘗論革除事。謂建文君當坐殿上。以待燕王至。苟不讓則死之。何必自焚竄。每語遜園事。未嘗不痛哭也。

玄君

正一真人張氏母妻。封玄君。

何夫人紫金標

左軍左都督何文輝。夫人豐氏嘗入內呼為媳婦。賜紫金掠一個。玉響杯一隻。玉梳髮釵一副。至今為家寶。紫金掠溫潤水蛇毒。將此掠水解毒。點記文輝子儀。口口衛指揮使。

郭真順

郭真順。潮陽人。適周伯玉。明初官兵下嶺南。指揮俞良輔。征諸寨未下者。伯玉居溪頭寨。真順遮道上。詩良輔曰。將軍開國之武臣。早附鳳翼攀龍鱗。煙雲慘淡蔽九野。半夜出捧扶桑輪。前年領兵下南粵。眼底羣雄盡流血。馬蹄帶得淮河水。灑向江南作晴雪。潮陽僻在南海濱。十載不斷干戈塵。客星移處萬里外。天子太念遐方民。將軍高名邁千古。五方健兒猛如虎。輕裘緩轡踏地來。不減襄陽晉羊祜。此時特奉明主恩。金印斗大龜龍文。大開藩衛制方面。期以忠義酬明君。宣威布德民大悅。把菜一莖誰能奪。黃犢春耕萬龍雲。虀龍夜卧千秋月。去歲壺陽戍守時。下車愛民如愛鬼。壺山蒼蒼壺水碧。至今歌咏之。欲為將軍紀勒績。天家自有麒麟筆。願為壺民歌太平。磨崖勒盡韓山石。良輔覽大悅。一寨得全。

金源出妻

戶部尚書全濂妻董氏。永樂七年。妻兄董英。瞰其在學讀書。盜其家物。後濂聞。知搜得出官。械英決罪。妻亦遣嫁。

會稽范氏二女

會稽范氏二女。居賀家湖。正統七年生。好讀書。妙適江氏。匝月而寡。次許傅氏。傅天。二女守志別業。垣圍其室。并田十畝。種穫有時。父率傭以入。否則閉戶相對。引溝灌田。凡三十年。共卜墓止水墩。以遺產祠之。今過者遺糧。輒得崇。會稽縣志

項襄毅胡婦

項襄毅大司馬。忠初以刑部員外郎從駕土木。陷胡中。飼馬。與胡婦善。挾而南。走四晝夜。食盡。胡婦度不兩活。乃併糧自殺。項得入宣府。後祀婦家廟。

婦人生鬚

弘治六年某月。應山人張本華婦。崔氏。生鬚長三寸。見實錄。

嘉靖癸丑。青浦魍魎鎮。有婦人忽生鬚。時縣差以事攝其夫。從壁間窺之。以為男

也。夫亦無獲。攜婦以歸。邑市聚觀甚眾。明年遂有倭變。青浦縣志

萬曆二十一年。嘉興包彥平。館華亭。余塘宋氏。其隣。侍姬鬚長五六寸。二十餘莖。時

年六十。自三十三歲始生鬚。拔去仍出。至五十歲而止。

平集

女化男

正德七年。平涼府太平橋下。女子高四姐。餽予故廬居。化為男子。生鬚名高雷。今六十餘。有二子。趙時春。平涼府志。

崇禎戊辰。華亭莫氏女。化為男子。遂儒服。裹巾。庚午嘉興屠用明。見於陳眉公座上。既去。眉公指之曰。此即莫氏女變男者。

貞女節婦解

淨寧州曹氏。聘於王守仁。未嫁而守仁死。曹氏聞之。慟哭不食。遂縊死。趙中丞時春。駁曰。在家從父。女與未婚之夫胡死哉。自經溝瀆耳。作貞女節婦解。未娶曰士。未嫁曰女士。納采女家。受之氏名通焉。曰聘。未有夫婦也。士奠雁女家。受之。父命之東。階。母命之帷。庶母及門內。施鞶。申之以父母之命。姆奉登車。士御輪焉。先歸而待諸里門。至則揖之入。共牢而食。合卺而醕。成婚禮焉。故曰夫婦。始易士女之名也。婚昏也。陰陽交際之時。人道生焉。是同生死。故婦從一而終。曰節也。聘而未嫁。非婚也。女非婦也。待母而行。行不踰閭。以順父母。故曰貞。貞者順正而固也。女德也。故婚姻之

禮不備則貞女不行。行則非貞矣。士未迎。父母未命。姻弗待也。而奔以哭。士而事其親。于律無服。而強持服。聞哀生於情。情生於禮。比之何禮。而于士何情也。不備禮而行。謂之奔。窺奔婦則逆義。違親命則傷孝。是宜為國大禁令。取之而與節婦同論。甚非禮也。故曰大不可。

按浚谷先生持論太苛。予傷曹氏之志。語曰。陷水可脫。陷文不活。特錄其文。以告淑媛。毋俾曹氏重枉也。

墓婢再生

嘉靖初。南充劉氏婢。公女。父嬖之。母妬。臨墓推入之。三年後。墓母開穴。公女伏棺上不死。出言與其父處。如恒。特若夢中。無少苦。

張安人柩白花

泉州張守化贈君婦陳安人卒。棺之前。和發白花。重樓數。乃亦高大可半尺。香如蓮。

韓烈婦

萬歷庚寅五月癸亥。德州韓承業婦王氏殉節。初承業沒。戊子孟夏誓殉之。七日不食。姑強之食糜。遂絕鹽茹。每晨哭。燃香誦佛不絕聲。居二載。忽治墓。留偈几上。趺坐。

室左戒人無近俄口出火下無色白如輕雲鼻流玉筋良久火徧體金色焰至數丈光達十里而香火盡遺骨如生所坐土結蓮花十朵事間撫按為之祠表門。

秦昭奴

定遠合肥間有亭曰響道旅店之東房萬歷末秦昭奴題詩二首序曰妾本燕人幼依表兄李內官處撫育教訓頗習詩史年十八嫁為江南士人側室雖愛有所鍾而分制於嫡春燈秋月獨宿多愁長途旅館孤衾更慘夜深滴淚和墨成吟亦以寓斯幽怨云爾逐日一程又一程風沙拂面鬢雲輕鴛鴦有伴非吾伴愁向孤衾數漏聲其一日日長途馬上塵佳人薄命怨青春小星千古稱賢淑坐對寒衾淚滿巾其二後書秦昭奴記時某年月日也跋曰昔王昭君適胡曹大家能文而寡妾文不逮曹而境未適胡而有夫無夫咫尺胡越意頗似之用取小字以識深愁後之文人君子倘憐而表章之君施惠不酬妾感且不朽昭奴又記熊人霖南榮集。

陳氏遣荒詩

萬歷戊子金陵娼婦陳氏作遣荒詩年來水旱作灾屯疾疫家家盡掩門兒女莫嫌全食粥眼前不死亦天恩。

吳江張烈婦

吳江諸生張士相娶沙溪陳俊女。士相夭。遺女三歲。其兄士松利婦產。以鄉人徐洪義子張程字之。婦不聽。乙亥十二月既朔。羣黨夜突入。脅婦往。死拒之。不克。士相從孫女。故適徐氏。因迎于家。越六日。陳訴縣侯德清。章日炆。日炆杖其媒徐義。以婦爭之。強刑其指。拳曲不受。遂圍婦。謂在徐洪宅。連夕。無可白也。已。婦出獄。忿甚。丙子三月。訴按臺。不得理。四月既朔。訴甌臺於松江甌臺。欲下吳江令。婦計迫。卽自刎。郡人義之。厝東禪寺旁。道祭相望。日炆竟憂死。徐洪等各伏罪。

錢塘劉氏女

錢塘江游劉元輔女。字諸生吳嘉諫。未行。年十九。夜嘗度簫。鄰人張阿官。故亡賴。聞聲依和。又偵女貌。夜躍上樓。穴窗逼女。女大呼賊。元輔驚起。繫阿官髡之。未及旦。阿官兄子養忠。知其故。糾黨斬門。且鳴金號于衆曰。元輔實以女俵。而又穿之。女聞之大恚。自縊於郡守光山劉夢謙。而阿官謀於訟師丁玉蘭。賂元輔以女承污。則罪不死。郡守疑之。陰訪其女。故潔得元輔私狀。阿官論如律。初嘉諫弔其女。剃眉投盂水中。不散。謂處子也。拊屍大慟。而丁玉蘭忽晝見女。自搏叩頭立死。上虞倪尚書元璠

傳劉氏不言善簾

命婦能詩

福清林鴻官膳部郎中。婦朱氏能詩。嘗作詩勗鴻。年十九卒。鴻終身不娶。

仁和陳德懿。南康守教政女。適都御史李昂。通達往典。尤工詩詞。有集四卷。當塗鄒賽貞。國子監丞侯□婦。封孺人。博學能詩。有士齋集三卷。子韶。弘治丙辰進士。官編修。

仁和楊文纒。工部員外郎。應獬女。為餘姚孫陞繼室。能詩。子鉦。編修。誥封夫人。詩稿附文恪公集行世。

武定橋烈婦

永樂初。誅建文遺臣。以妻女發教坊。配象奴。有一婦。題詩帶問。赴武定橋河死。詩曰。不忍將身配象奴。手提麥飯祭亡夫。今朝武定橋頭死。要使清風滿帝都。或云。此松江謝氏婦也。

華亭王鳳嫺。進士張本嘉妻。本嘉知宜春。卒官。艱辛自誓。撫其子汝開。舉于鄉。為懷慶同知。封孺人。有焚餘草。雙燕遺音。行世。

上元倪岳冢宰婦□氏有□□集。

翰林陳沂繼室馬間卿能詩書法蘇長公善山水白描橫幅年近八旬不廢吟咏有芝居集。

楚女畹蘭和新嘉驛女子詩二首驛舍題詩今尚存斷煙荒草鎖重門多情况有千秋月夜夜牆頭照墨痕碎壁沉珠最可憐牆頭題恨墨猶鮮妖魂欲問歸何處不化鴛鴦化杜鵑。

鄞縣陳東官河南提學副使婦董氏少宰玘之女能詩凡后岡稿成轉共評定今董氏詩不傳。

吳江沈宜修字宛君副使沈琬之女工部郎中葉紹袁妻生三女仲季蕙綢小鸞並嫺文墨中庭之咏不減謝家嬌女之篇有逾左氏二女並未字而天宜修亦蚤世紹袁彙所著曰午夢堂集行世。

吳縣范允臨官福建參議婦徐媿字小淑工詩文有絡緯集。

三水文氏翔鳳之姊適葛氏有君子亭詩賦三百餘束手鈔書六十卷少寡自誓作九騷九篇詞義典雅稱其風烈文翔鳳婦武氏粗識字翔鳳稱其能詩有文武

合刻武恭人沒繼鄧氏翔鳳。薤淪艾始夕。翔鳳大書顛鸞。倒鳳於室中。鄧氏能詩。甲戌翔鳳得風疾。壬午春卒。甲申鄧氏事李自成。今沒入范文程家。

麻城王銓龍。御史鳳韶女。適劉守蒙。十一年守蒙死。忍死事姑。誓不踰闕。父疾篤。欲見之不歸寧也。少讀書。過目輒誦。老而詩益。五十七年七十九。目不見字。猶使甥輩讀書。坐側聽之。李贄倡龍潭菴。高談佛乘。風動四方。銓龍獨不往。欲索寸札酬答。亦不許。其春日詩。桃花暮雨煙中閣。燕子春風月下樓。幽閨永夜燈前淚。孤枕頻年夢裏愁。秋月詩。霜飛衾薄紅棉冷。雲斂天高綠樹寒。病起詩。對鏡面黃如菜色。看書目眩似花生。

海寧朱淑貞。尚寶卿祚之女。適周濟。官光澤教諭。幼聰穎。博極羣書。年八十卒。有靜庵集十卷。

桐城張秉文。官山東布政使。方孟婦。字如耀。能詩。庚辰濟南陷。東文死之。孟式投池中以殉。少讀書。有婦德。有紉蘭閣前後集八卷。

鄞縣金文貞。適王□□子。登進士。官副都御史。封太淑人。有蘭莊詩集。

漳浦黃道周。官禮部尚書。婦蔡氏。工文翰。

朝邑屈安人。適韓邦靖。詩文唱和如良友。邦靖早世。安人後十四年而沒有異工書。康海乞序其母詩。從之。此條疑有誤

女士

太倉薄少君。辟生沈承妻。承有雋才而夭。少君哭詩百首。踰年值忌辰。酌酒一慟而絕。天台貢士裘致中妻潘氏。號碧天道人。有碧天稿。其題桃源洞曰。千年老樹萬年山。洞口僊娥自玉顏。劉阮當時那得見。浪傳浮跡在人間。其一天接青山路。萬重僊家洞。口白雲通。聽殘一夜溪頭雨。流出桃花幾片紅。其二

黃安人。遂寧人。尚書珂之女。為修撰楊慎繼室。慎戍滇南。博通經史。工筆札。攜之戍滇南。後慎奔父喪。安人留于蜀。應家政。閨門整肅。詩不多作。慎有詩答婦。又別和三詞。皆不及也。

寄夫詩

雁詩曾不到。衡陽錦字何。由寄永昌。三春花柳妾薄命。六詔風煙君斷腸。日歸日歸愁歲暮。其雨其雨怨朝陽。相聞空有刀環約。何日金雞下夜郎。

積雨醜春寒見繁花樹樹殘泥塗滿眼登臨倦江流幾灣雲山幾盤天涯極目空腸斷寄書難無情征雁飛不到滇南。

劉雪瓊山西臨縣人孝廉趙福之妻有水雲居詩自署四維石檻花居士。

莆田黃幼藻字漢宮蘇州同知儀之女適林恭卿沈靜知禮舅沒竭力奉姑所居不蔽風雨近戚罕面卒年三十九所著有柳絮編。

蘭溪舒大猷萬曆□□貢士婦陸靜專工小詞以脂筆書字落紅滿楮。

閩縣儒士鄭坦妻鄧鈴字德和坦卒刲雙耳自誓詔旌其門萬曆中嗣子雲錫貴贈宜人有風教錄。

山陰王素娥能詩文善女紅適胡節節死于燕娥誓無他志年四十一卒。

陸卿子吳人尚寶卿師道之女適太倉趙官光官光棄家廬墓與卿子偕隱寒山卿子能詩文有雲卧閣考槃玄芝諸集。

李玉英錦衣千戶李英女父死弟承祖幼繼母焦氏有子謀奪廢毒殺承祖出其妹桂英而誣玉英以奸指其送春別燕一詩為證論死玉英奏辨世宗察其枉得釋。

文侍

吳人陳寬孟賢侍姬曰梅花居士掌文墨。

華亭王一鵬訓導善畫居泖上俱侍姬供筆墨。

直閣尚書□□張天駭有青衣□□善書。

金陵史忠癡翁侍姬何玉僊能書繪解音律號白雲道人。

閩人周玉蕭武弁方輿妾輿上議撫紅夷忤大帥繫獄七年遣玉蕭玉蕭誓不去及事解詣闕遇國變又不得歸玉蕭感慕痛沒有詩一百三十首行世。

妒內

都督蕭如薰夫人楊氏才而妒無子不容納適如薰與長安張生善言及嗣息悵然曰吾殆絕矣張曰將軍當置別館于此從之果得子補諸生娶婦楊夫人尚不知也。

義妓陳氏

萬曆乙卯楚掾某狎姑蘇妓陳氏傾橐姆厭之陳私留掾身託疾他遊求里中豪貸掾得嫁之而所攜橐頗饒毫不累掾也歸楚後同掾謁選北道鄱陽湖同舟徽人窺陳色藝間許掾千金掾以情告陳陳歎曰君裝薄果進其千金可耳俄千金具別掾更登徽人舟望掾帆發漸不復見拊膺嗟喟投水死明年掾還渡湖中感陳設祭俄

蘇州義妓

蘇州姬某。乙酉國變。語所善客以死事。俱狎笑之。中秋買棹。召客泛太湖。皎月空明。觴鷁首甚適。忽顧影感歎。置觴投深流處。不及救。

難婦

不畫雙蛾向碧紗。誰從馬上撥琵琶。亭空有歸家夢。驚破啼聲是夜笳。其一日日牛車道路賒。徧身塵土向天涯。不因薄俗生多恨。青冢啼鶻怨漢家。其二驚傳縣吏點名頻。一分明漢語真。世上無如男子好。看他髡禿也驕人。後跋云。吳中羈婦趙雪華。題在剡城縣李家庄鎮亭壁間。

宮人廣陵張氏。過崇德縣石門鎮。題壁四首。或云投河死。詩云。

身隨劫數從奴虜。愁聽胡笳聲可哀。柔腸已碎如針刺。况值蕭蕭夜雨來。其一深閨日日諧鸞鳳。愁被干戈出畫堂。弱質那經罹虎口。可憐魂夢繞家鄉。其二繡鞋脫却換宮靴。女易男妝實可嗟。扶上玉鞍愁不穩。淚痕相逐馬蹄賒。其三□□□□□□□□

車騎鞦韆野店來。憐我故鄉生死別。花枝已向別園栽。其四

妾本虎林女也。所逢不淑。再罹干戈。臘月甚寒。挾之北上。終日坐破車中。噶噶筋骨欲脫。寒風慘烈。塵沙眯目。塞馬悲鳴。淒其欲絕。真蔡琰車中。明妃馬上。所不能彷彿者。幾欲自經。念妾本良家。流落至此。曾與魏里曹生訂終身交。自謂才士必不棄予。死之無名。何如忍以相待。已復念此。乃又強食。偶從將士閱省錄。知曹郎已鄉薦。旦夕公車至此。恐謂妾已死。遂爾捐棄。故乘暇竊書此詩。令知薄命妾。猶然西湖月下心也。當妾與曹郎晤時。六橋明月。十里湖山。澄波渺然。萬籟蕭寂。妾吹簫忽悲。泣曹郎舉酒醺天曰。勿憂。終當贖汝以金屋。妾改顏謝曰。無媒妁何以先是。曹郎嘗懷一扇。妾甚愛其扇。上詩。為桐山方生名玄成者作。有云。蒼壁倚千尋。空江自古今。浪翻丹日合。廟枕碧流深。等句。妾賞其壯涼高逸。是時曹郎即出其扇曰。汝佳。此人詩。此人吾好友。海內名士。即以為媒妁可乎。妾拜受之。至今數瀆。死不去袖中。又聞此生亦登鄉薦。倘曹郎不及見此。萬一桐山生寓目焉。謂妾尚存。亦不負當日以骨長生待先生意也。西湖薄妹宋娟和淚書。

風動空江羯鼓催。降旗飄颭鳳城開。將軍戰死君王係。薄命紅顏馬上來。其一 廣陌

塵沙滿馬。北風吹雨落船華。可憐明月空空候。幾度宮闈伴暮霞。其二 春風如繡雨

如煙良夜知心畫閣眠。今日相思渾似夢。昇來可恨是蒼天。盈盈十五破瓜初

也作明妃別故廬。誰散千金效孟德。鑲黃旗下贖文姬。其四南莊勝處妾常憶。借問

軒車早晚游。美景難忘竹廊下。好風爭奈柳橋頭。其五冰消見水多于地。雪霽看山

盡入樓。若待春深始同賞。鶯殘花落卻堪愁。其六

妾命如朔風。飄然振落葉。不入郎羅帷。乃逐塵沙陌。妾本良家兒。流落平康劫。十三

工秦箏。十五好筆墨。樽前柔歌聲。淚濕江州褶。人謂妾顏美。妾謂多生孽。武林遇曹

郎。心知不徒說。忽爾天地崩。遂令山川別。一為俗羈絆。再為干戈繼。嗚呼大車中。塵

土滿鬢髻。又猜那一羊裘。皴肌冷如鐵。畫則強歡笑。夜則潛哽咽。誰為文姬哀。文姬

猶返闕。誰為明妃怨。猶得封馬鬣。而我薄命人。終當染焮血。所不即就死。心為曹郎

結。曹郎爾多情。豈忘西湖月。曹郎爾多智。豈不諒我節。曹郎爾任俠。忍妾委虎穴。曹

郎爾多交。交豈無豪傑。媒妁扇上詩。顛沛不忍徹。忍死一相待。悲酸難再說。又聞桐

山生。風流當世傑。爾既善曹郎。何不一救妾。

丙戌秋金華陷。婦某偕入杭州行營。庚寅六月。其夫跡之以五十金贖。不許。遞至百

五十金。終不許。婦凝淚語其夫曰。第藏其金。天下多好婦。何我為。其人益至二百金。

終不許。婦乘間引刀自刎。營卒怒剖腹搗其陰。俄雷震死。

新樂縣南關旅壁題曰。妾本淮上弱質。僻陋而無心。戊子遭兵燹。滿之狂丈夫以我北去。壬辰復挾我南征。過此偶遇之於盱衡之間。情溢于露。氣幽於蘭。嗚呼。此誰之美也。嗟余薄命。感而賦此。

北去南來。空自猜編。愁為□幾時。仄妾心最慕漢天子。自將單于不敢來。造次相逢。若有私目。成那復畏人知。胸中歷歷不然事。可得對床說與伊。

冬兒

良鄉伎冬兒善南曲。入外戚左都督田弘遇家。弘遇卒。都督劉澤清購得之。以教誨少四十餘人。其最姝麗者登兒也。甲申澤清欲偵二王存否。冬兒請自往。田氏探之。遂男飾而北。知二王已絕。遂南。澤清鎮淮安。書佐某無罪殺之。收其妻。澤清降北虜。攝政王贈宮女三人。皆嘗御者。澤清不辭而嬖之。亡何內一人告變。攝政王錄其家。及所奪書佐之婦。澤清供書佐有罪。故殺之。婦明其非罪。且云澤清私居冠角巾。謂事若迫。不如反耳。澤清誅冬兒下刑部。尚書湯□□嘗飲澤清所出侑酒。故識冬兒。因曰。爾非別家人。遂免籍。更嫁吳駿公。作臨淮南伎行。臨淮將軍檀問府。不關身強。

轉輕喉使淚流尊前訴出漂零苦。妾是劉家舊主謳。冬兒小字唱梁州。翻新水調教
桃葉撥定鷓。絃授莫愁。武安當日誇聲伎。秋娘絕藝傾時世。戚里迎歸金犢車。後來
轉入臨淮策。臨淮游俠起山東。帳下銀箏小隊紅。巧笑射棚分畫的。濃粧趁仗簇花
叢。縱為房老腰肢在。若論軍容粉黛工。羊侃侍兒能走馬。李波小妹解彎弓。錦帶輕
衫嬌結束。城南挾彈貪馳逐。忽聞京闕起黃塵。殺氣奔騰滿川陸。探騎誰能來劍門。
空閒千里追風足。消息無憑訪兩宮。兒家出入金張屋。請為將軍走故都。一鞭夜渡
黃河宿。暗穿敵壘過侯家。妓堂仍訝調絲竹。祿山裨將帶弓刀。醉擁如花念奴曲。倉
卒逢人問二玉。武安妻子相持哭。熏天貴勢依椒房。不為君王收骨肉。翻身馬上遇
南兵。退駐淮陰正拔營。寶劍幾曾救死士。明珠還欲致傾城。男兒作健酣杯酒。女子
無愁出曼聲。可憐西風怒吹折山陽樹。將軍自撤沿淮戍。不惜黃金購海師。西施一
舸東南避。崩濤急浪鬱_嶺嶺_嶺激_嶺大于山。張帆捩柁無歸處。重來海口豎降幡。全家北
過長淮去。長淮一去幾時還。誤作王侯邸第看。收者到門停奏伎。蕭條西市歎南冠。
老婦今年頭總白。淒涼閉盡興亡迹。已見秋槐落故宮。又看春草生南陌。依然絲管

對東風坐中尚識當時客。金谷田園化作塵。綠珠子弟更無人。相憐只有樓頭月。

梅村

集作楚州月
落清江冷

長笛聲聲欲斷魂。

秦良玉

山陰朱燮元。總督雲貴川廣石砭宣撫司女土官秦良玉。雅度侃議。謙從俱美少年。朱公子壽宜訪之。酒間微諷。良玉笑引南宋山陰公主云。陛下後宮百數。妾惟駙馬一人以答。

良玉屢勒兵討逆。天啟辛酉。永寧宣撫司使奢崇明叛。據重慶。厚遺良玉求助。良玉追其使。提兵進攻。多斬獲。

忠順夫人書

萬歷十九年七月六日。欽封忠順夫人。卽三娘子。上經畧總督鄭洛書曰。蒙差通官韓大友等。齎書到帳。分付我。盡知之。回套之事。我恨不能卽速登程。奈因頭畜疲弱。不能起身。每想老大人宣大督鎮之日。曾受無窮恩典。時刻思念。惟天可表。因洮河失事一節。實口首反背。皇上洪恩。有負大人擡舉將華夷大事。一日有失。幸蒙大人枉駕河西。多承俯就其事。乃不幸中之幸也。今蒙老大人書諭。由扁都經過套。恐懼

漢夷生事。彼此壞名節。本上會同吉囊由肅州邊外於川底行走。已差人稟知。四月起身。我思肅州邊外路途遙遠。况老夫人在彼多有勞苦。意要從鎮羌經過。恥媿不敢開言。如肯憐閔。暗賜一音。我自有意。彼此方便。我目前西海之地。因為失事。致將我自愧。未敢計些須之物。今備絲銀十兩。萬望老夫人神力。轉買各色核布八十匹。茶籠八斗。白綾汗巾五十方。礪砂二兩。硫黃焰硝四兩。砂礪十个。涼扇十把。書東紙一百張。若肯賜發。我世世不敢忘。謹具此啟。再拜。又銀六兩。買核布十疋。餘銀買茶。大廟堂鄭老先生大人臺下。

彤管志餘

彤管自宮闈淑媛外。無可述矣。義伎難婦。非法也。蓋傷其志。閔其遇耳。豈足語風教哉。更有流聞。似不欲棄。并附之以資嗚嗟。

嘉興某善射。道山東。遇女子。單騎行劫。接其矢。反射之者三。女子呼曰。君無相苦。當下馬。少有所語。語曰。吾閩人多矣。願事君。奉箕帚。某從之。挈歸。作孟子湖暴客。久之入燕。不返。沈天生比部。嘗識其人。

甲申九月。友人趙昌齡。出杭之湧金門。至刺園。見題壁云。芙蓉花發滿堤紅。盡道芙

蓉勝妾容。昨日妾從湖上過。行人何不看芙蓉。

金陵下荆璞。全母寓武林西湖上。作西湖遇雨詩。重雲負我買名湖。博得蒼煙入畫圖。柳去六橋春色斷。雨來三竺遠山無。滄桑變換笙歌歇。人事淒涼風月孤。我欲才情寄蘇小。西陵珍重舊時鑪。荆璞能書咏。第其人不足道。□□寄情蘇小矣。

志怪

萬歷庚寅。隰州有民婦居山中。日汲澗水。忽聞鳥呼曰。山要開。山要開。日呼于耳。婦不以為異。一日飛集肩上而呼。婦歸告其夫。夫曰。明日若呼。當應之曰。開便了。果呼果應。山旋崩。出藏經一部。皆宋牋。繕寫者。卷末書興國材興國院造。紙墨如新。間諸有司。散各名山。樵李王大同寺僧朝五臺。亦隨往捧誦而歸。

魏文紳

沙縣魏文紳。官知縣。善禱雨。其術用大蝦蟆一隻。作火字四十九道。納之腹中。立壇瘞之山上。三日而雨。至暴雷震電。雨罷于瘞所。失蝦蟆所在。但不敢嘗試。一日卽龍碇立壇。二日夜大雷雨。天明視之前池水皆涸。魚無大小。各剖為一。文紳懼。遂不復

明 鹽官談遷孺木著

技餘

石續

東昌某宦牡丹下。嘖嘖有聲。坎之得物。目爇熒不食而息。曹縣石續曰。此視肉。古帝王葬中物。壙氣見矣。亡何某公卒。克貳守錢某。毀堽城壩。淫祠像。臂流血。駭之。續曰。蝙蝠血也。時仲冬。搜得數斗。曹縣志

鄧雲翁種牙方

嘉靖閩縣鄧雲翁。遇異人得種牙方。患者飽食後。吞藥七丸。復漱末藥湯。諸牙立下。以生鼠去皮。和藥搗爛。依牙之序。逐枚蘸鼠種於原孔。至死堅如少壯。或老人牙脫。以他牙種之。亦如生成。

張雷王八十

沁水張雷。操術甚秘。嘗元夕同友觀燈揚州。旦即還舍。暑行求瓜濟渴。主人不出。袖出碎紙。俄犬兔相逐。斷其蔓。主人大海。則呼犬兔於袖。瓜蔓如初。後遇蛇當徑。方咒

禁蛇宛轉間爪角俱出長十餘丈雷擊立死恃術不戒觸忌神佛也。

王八十善召鬼能攝肴酒待客己未嘗沾也。或夜致麗人如李夫人帳中所見手之即滅沒所經墟墓言逝者貌飾俱合友某求其術約齋三日俄私食脯方符咒被雷震裸灼雪中以友誤我幾謫死卒亡子。縣志

年康民

內江年康民少年抱異術不知所從授萬歷庚申正月投牒於巡按御史黃陂吳之皞云。明年辛酉九月蜀變方作。方伯朱公能平之。今聞其入賀萬壽乞留任待拯以拯我西人。其易擇賞捧者。方伯朱公蓋右轄山陰燮元也。之皞故好數學年十四補諸生高等。累舉不第。從豫章術士游。年四十五聯第。至是覽牒而異之。方伯當入賀見之皞於夔州。勉留之不得。蓋朱母夫人明年八十。便道兼壽也。之皞歎曰。蜀人無福。請後期。朱曰。今秋入賀還。因歸省。明年正月進觴。三月當看花錦城矣。之皞許之。瀕別以叱馭是望。明年春朱轉左轄赴蜀。出黃陂訪之皞里第。時之皞按蜀。遂過其里。餞朱於郊。出康民所投牒授之曰。事甚異。君至蜀當物色其人。而朱未即信。迨九月重慶之變。亟遣使報劉養鯤武聲華。訪康民山中。距內江邑三十里。茆舍三楹。

不受徵第曰有朱使君在何患成都百日之圍可堅守也及圍解又徵之辭曰平生不是今朝人。凡警輒遣使叩叩輒驗。朱進巡撫後憂去。己巳三月拜總督之命。開府黔中。康民先寄札云使君重蒞黔蜀誠地方之幸。八月安奢俱靖從此造福十年。但乙丙年。罡星正照燕都。仲冬金人內入。畿南白骨如麻。天下漸擾。又云燕京黃氣已盡。戊寅入大劫。倥偬三十五年。民不聊生。丙子十月。又札云康民已心厭凡世。遠遁深山。不復再候。明年丁丑八月。使君刻度不佳。當乞休綠野。以保餘齡。否則戊寅之變。將返樸還真耳。少師疾跡康民不知所往。先是秦撫劉漢儒學使何閻中。招康民署中。補諸生廩食。日長卧。語多不效。乃放歸。康民自稱又呆子。所著兵機纂等書。

萬歷末方士

孝感程芸閣大司空註云萬歷末值方士京師。言萬歷當四十七年。泰昌一年。天啟七年。崇禎十八年。甲申夏程始述于人。第疑崇禎差一算。明年五月。弘光皇帝出奔。甲午都人擁立王之明。云故東宮也。勅封中城獄神為玉。仍稱崇禎十八年。事尤奇。

蔡鼎

永春蔡鼎。諸生也。好易學。著易蔡等書。博通象緯。來長安。出入塞上。為大司馬幕府。

客然不能用也。既久之，乃南還。其友人南雄推官泗州黃廷才，預廣東秋闈，語同事羅定知州上海包爾庚曰：閩人蔡鼎，近言崇禎歷不十八年，國運中絕，其怪妄如此。時並笑之。明年癸未秋，鼎游□□。時金華令江陰徐調元，合樂饗之，演浣紗傳奇，見句踐青衣渡江，鼎輒泣。徐令慰藉曰：戲耳。先生毋自苦。鼎曰：事卽見之矣。欲求青衣渡江，可復得哉？舉族北轅。今日之淚，殊不能禁。徐令退後，請其說。鼎曰：予燕中望氣三年，氣且漸竭。昨歲宿蘆溝橋三夕，諦觀天象，竟無可為。灑泣去之。金陵有王者氣，揚州鎮江多氛祲。蘇、常、杭、嘉等耳。金華禍在目下，恐千人不足殄也。徐公私詫異之。居亡何，東陽許都□□□減數千人。明年燕災，又明年吳災，始追憶其言。明說

薄子理

吳人薄子理，性敏悟，書不再閱，能縱橫成文，嘗意製木童，令司啟閉，奉客盤匱，靈動如生。其議北方屯田，田不必開井，但相土高下，去沙五尺，置乾草，仍覆以土，經日啟視，其燥濕探水脉，開池，功省利倍，屯政舉矣。

明 鹽官談遷孺木著

空玄 附天主教

佛蛻

釋迦佛真身。在錫蘭山國。

無量壽佛真身。在廣西全州。

吳康僧會真身。在海鹽金粟山寺。明初移南京天界寺。疑有誤

梁番僧知藥三藏真身。在韶州月華寺。

唐長耳和尚真身。在錢塘西山法相寺。

湘潭縣湘山有唐僧真骸。至今存。土人祠禱。輒應。口璣息園存稿

阿羅漢

真臘國天竺僧僑陳如。自西域來主其國。至其首姓斜科。名質多思那者。日漸強盛。嘉興嚴從簡殊域周咨錄曰。杭州淨慈寺裝羅漢像五百。以僑陳如為首。今觀陳如持夷狄之主耳。但教人事佛。實非所謂白晝昇天降龍伏虎。有諸佛靈異者也。今乃

崇奉香火以為尊神。則其誕漠可知矣。

目蓮石塔

永年縣城口二十里目連村有寺。一小石塔。為目蓮和尚墓。

阿育王舍利

鄆縣西五十里鄆山。晉太康二年。僧慧達忽見從地湧出阿育王塔。其狀青色似石。非石。高一尺四寸。廣七寸。露盤五層。四角挺然。中懸金色小鐘。不盈三寸。舍利綴於鐘下。圓轉不定。其光搖曳。若即若離。隨人隱見。繞塔四周。俱是鏤空諸佛菩薩金剛聖僧八部等像。神工聖蹟。非人力所及。梁武帝造木塔籠之。今名廣利寺。萬曆丙子。平湖陸冢宰光祚瞻禮。初見舍利大如芡實。已如彈丸。已大如瓜。最後大如車輪。五色變幻。光彩射人目。泰和郭孔泰。孔陵瞻禮。舍利初視若黍米。已如荳。如蓮子。同觀者或見如新菱。兩角垂絲。絲綴如北珠。或見如葡萄色。或見如桃瓣。或見如金蓮花。瑞相種種不一。又秀水朱侍郎大啟禮拜。見如菜豆。詐色。如水晶。踰頃忽微紅色。次早諦觀之。無有也。弘光初。奸僧竊舍利去。今綴以珠。無異。

北珠疑有誤

嵩縣少林寺。連磨面壁處。崑山魏恭簡督學河南。以面壁石與影石不同。謂其妄命。登封令侯泰鑿之。今影石如故。雖鑿不為損。

玉石佛像

弘治間慶雲縣人掘地得玉石佛像二。一北齊天保八年造。一武平六年造。座上皆刻造佛文字。併興造各人姓名。自北齊至今。幾一千餘年。而此像既沒。復出物之隱見。信有數存焉。續志

寧夏銅像

寧夏古靈州。城東北鐵柱泉旁有窟。人莫敢入。景泰間李某同一僕。爇燈以入。行二十步。推開一石門。有銅鑄佛像。旁有二僧屍。覆以錦衾。其面如生。而金貝之類環其左右。恣取之。將出。風颯颯。燈息。門閉。鼓鈸齊鳴。李恐懼欲死。盡棄諸物。俄於旁窟前。匍而出。明日集衆往掘之。堅不能入。機械如洛陽也。寧夏志

宋源前生書華嚴經

宋景濂先生生時。母先夢僧云。永明延壽手持血書華嚴經。求借汝一室以完願。後先生至蘇州半塘之聖壽寺。恍惚前寺得經於藻井上。則前元聖壽寺僧善繼所書。

書法如趙魏公。端楷不苟。八十卷如一手。多名僧題跋。今在杭州。赤山準西六通寺中。見馮祭酒夢楨日記。按宋慶歷八年。張方平以端明殿學士右建議大夫知州事。公為政清嚴。一日游瑯琊山藏院。輒俛仰。因勅從吏助取梯。板陟梁。得經函。函有書。寫□伽經半披玩。忽悟前身故僧也。寫未竟。逝乃為終之。書法宛然不殊。號二生經。時時為人誦經首偈。偈云。世間離生滅。猶如虛空華。知不得有無。而興大悲。□□□蘇東坡東坡序之。仍為寫刻浮玉山龍游寺中。

藏經

國初重刻大藏經板。留大報恩寺。四方僧眾咸許摹傳。見永樂十一年。義烏王祿華陽教寺閣記。今南京刊板。藏禮部。僧眾非厚費三四百金不能得。北京刊板。在內府。非特賜。則奏請。餘不能得。

藏經舊刻六百三十七函。梓于永樂庚子。正統庚申成。萬歷初。慈聖皇太后續刻四十一函。起華嚴玄談會玄記。至第一希有大功德聖記。普陀山志

觀音夢感經

仁孝慈懿。誠明莊獻。配天齊聖文皇后。嘗夢白衣大士。口授數千言。覺而記之。自製

佛牙

嘉定尚書徐太室學模集云守荊州見孱陵二聖寺佛牙形模詭異香氣襲人其詩云孱陵佛牙如掌大妙香伴供彌陀座三水□□文太青翔鳳集云見南京西大寺佛牙頗疑其非實蓋如來佛四十二齒若長二寸博寸許則面當如車輪矣此必異獸骨也予於南京天界寺見佛牙二寸博寸許瑩潤如菜玉而竊謂太青所論大有理至孱陵佛牙如掌則又大於西天天界二寺所供矣按佛國記佛有四牙廣半寸長半寸一牙在呵條國一牙在天上一牙在海龍王宮一牙在乾陀國國王使大臣九人守保之月朝捧擎牙出夫牙廣長各半寸意得其真今所見侈矣

寶金和尚

國初寶金和尚碧峰者留千佛袈裟衣一襲於繁峙之普先寺云人衣之則死草履之則活嘉靖癸丑北虜入寇披於馬上馳驟往來亦未見有驗繁峙縣志和尚嘗上書求增建職司大理寺卿李仕魯言天下學校尚未建儒風尚未振而先為異端樹赤幟非所以垂遠也忤旨乞歸謹死

僧娶妻室

鳳陽大龍興寺。卽皇覺寺。一曰於皇寺。太祖勅僧律。一曰有妻室僧人。除前輩老僧。蓋因元末兵亂流移他方。彼時皆有妻室。今已年老母論外。其後進僧人。有妻室者。雖在長上輩比肩。及在下諸人。皆得凌辱。亦無罪責。今僧俱掌馭。又無差累。邵武汀州。僧道皆娶妻。寺僧數百。推一人削髮餘如民俗。

雲南大理府。山僧有妻子。亦讀儒書。

莆田林兆恩懋勳。究心儒學。兼通道釋。學者稱三教先生。嘗詣京欲上章婚娶二氏弟子安溪黃本。移書止之。有曰。卽得行。甚善。顧此時詣闕上書者。皆黃紙符篆者流。吾師欲以婚娶一氏易天下。不惟不足以明三聖人之道。適使疑夫子兆恩。乃止。

鐵塔

當陽縣。玉泉寺。鐵塔。鐵鏡。俱隋物。

釋迦塔

應州治西物宮寺。遼清寧二年。田和尚奉勅立。有釋迦塔。高三百六十尺。圍半之六。簷八角。上下皆巨木為之。層如樓閣。玲瓏宏敞。稱宇內浮圖第一。塔後大雄殿九間。

通一茨梁

周氏豐潤人。宣德間生。幼不如輩。長崇釋教。誓不出戶。年七十餘坐逝。隨吐火自焚。得舍利數十粒。其神向北而去。人多見之。

寶光寺泥丸栢

懷慶府城東北四十里。明月山高峻舒豁。山皆古栢。無他木。云元奉定丙申。僧寶相創明月寺。乃以泥丸栢子持彈弓四擊巖谷中。今翁鬱成林。障蔽天日者。皆泥丸栢也。明月寺。天順戊寅。賜額曰寶光寺。

智慧菩薩

凡僧

四川城周繞師女生。而不葷。好誦經。年十九。或議婚。輒面壁坐。經旬不起。嘗絕粒食。成化五年。促其父母送至江村口白馬寺樓上。自焚。結袈坐滅。歷暑不朽。神顯靈異。鄉人遂炒沙築其身。裝塑成佛。號智慧菩薩。梓人多事之。最有靈驗。四川通志

黃明女菩薩

臨汾泊庄村。窰洪晉女。生崇禎三年二月。生時。母張氏夢譚樂迎菩薩至其家。後嫁適王勳里人。張聞。適俄感疾。二年不痊。因還母家。疾如故。遂禮佛。跏坐。順治七年。正

月二十五日云得道八月望日云在神前考過受西方佛封黃明立菩薩命作龍置空地西向二十八日午刻云火光菩薩太陽真人俱來相助至期火光自七竅迸出焰高二丈餘有白蛾從火內飛出翩翩直上觀者數千人忽間空中樂聲異香三日不散初指於村西立廟經始之日忽南壁上生栢樹數十株長二三寸許有跡在焉

達觀和尚

達觀和尚真可宿吳江村庵中旦語主僧曰昨爾婦訴冤宜自省其僧嘗少娶以冤死大疎異命卽禮懺訖出佛前朱几火之主僧如其言朱几鑲以石得赤蛇卽婦孽也嘗宿華亭徐氏所曉起語主人曰昨夕女婢訴銀壺之枉銀重十八兩三錢見在某室可覆按也因入其內指紉兒床頂上果得壺如其重

吳中書記

和尚寓嘉善東門外景德寺院大悲閣地卜算之未利云後自有人甲辰五月錢相國士升明經時夢和尚為祝髮加僧帽出法華經示之展卷赤光熒熒寤後猶未知所謂達觀也先癸卯冬師化去已相國父疾迎醫于嘉興楞嚴寺前偶憇經房問法華經幾卷曰七卷主僧出和尚血書法華經頓悟前夢道念始切其冬手書法華經一部及解組重修大悲閣得和尚自題像摹刻於石見記中又手書法華經一部

論又曰：巴人盛想相問，秘障事師曰：老觀窠頭立想相不解，曰：待子來。萬歷丙子登科，神祖手書金剛般若經，汗漬欲易之，命曹內閣問和尚答偈曰：御汗一滴，萬世津梁，無窮法藏從此放光。上大悅。

憨山和尚

沙門德清，于膠州旁山舊觀音菴地建海印寺。德清初與內監張本善，本奉太后慈旨，齎藏經分散名山，而寺上無名。本遽填海印寺，與之道士耿義蘭爭其地，具奏下法司擬本以詐旨論死。德清謫戍膠州寺，亦毀師嘗注老子。至天之道，其猶張弓乎？思之未得，乃借弓懸壁間，忽悟張字與弛對，時弛高而有餘，弣下而不足，祇歸無用。及張而用之，則迎高舉下，損弣補弣，上下均亭，可以命中。天道全以動為用，主施而不主受也。

關頭陀

萬歷間關頭陀，不知何許人，能分身現刑。一日至湖州菱湖鎮，向小兒乞火置掌中，即熾，并其身骨俱燼。

密雲和尚

密雲和尚。住鄞縣天童寺。法席甚盛。猿啗圓瓜。師歎曰。業畜何不他食。而必瓜之。是及也。明曰。羣猿卧瓜側。不復嚙。

僧大香反史詩

周公正懼流言日。王莽虛恭下土時。決使當年身不死。要留忠偽與人知。

僧佛日送雲

仁和塘棲鎮。僧佛日。住黃鶴山。已隱西湖之十八澗。開法雨泉。披榛數十丈。見石壁。錫佛日字。胡太史仲胤計偕登舟。僧挈榼送之。滿貯白雲。啟則濛濛。流裊於蓬櫳之間。郁郁勃勃。所謂祇可自怡。不可持贈。又轉作一解。

祖師像

國初禁中有祖師畫像八十八尊。供牛首山之祖堂。萬歷日。南沙門達觀以新安丁南羽摹之。分送五臺峨嶺南嶽。錢塘黃詞部汝亨。臨之。送天竺寺。嘉善高相國臨之。送景德寺。

像不惹塵

弘光初。游姑蘇之北寺。有不惹塵觀音殿。像設如新。酉陽雜俎。部下佛寺神像。往往

有鳥雀不污者鳳翔山人張盈言或有佛寺金剛鳥雀不集者非其靈驗也蓋由取土處及塑像時偶與辰王相相符也

求履僧

嘉興李孝廉士晉有僧募履命僮索之僧笑曰果履乎李未解僧問其衣何物曰絀僧笑曰羊質虎皮李色駭僧曰能從我游乎曰請俟異日因入取履僧不復見

僧誑

南都有僧突達官前驅持撻之忽云打不得我建文皇帝的裔也欲啟其橐又云中
中有內府勅開不得遂下僧錄司其僧猶端坐抗語因送禮部都下喧傳各衙門會
訊莫敢誰何內一人強健解橐則法華經一部也蓋犯道畏責作此誑語若書上人說
臨川陸端伯司理杭州素佞佛齋納雲集有僧漢人求閉關靈隱寺約某日回首須
二岳合瘞司理如其言遣隸守之屆期夜挾刃欲逞隸亟縱去其隸予所識也

張真人印劍

廣信龍虎山正一真人張氏寶劍二玉劍一印四一白玉方鈕徑寸二狹幅朱文上
帝舊書一銀方如玉世廟所賜一白玉雙螭紐徑寸四闊幅文如小玉方國初

所賜一金鈕。如番蓮。矗起雲雷篆。今真人府燬。器具存。

神樂觀歲給

南京神樂觀歲給乾魚萬斤。鮓三千斤。米三千石。小麥千石。黃豆二百石。芝蔴五十石。舞生三百三十餘人。歲支夏布三疋。棉布一疋。絹一疋。棉半斤。

張三丰

張三丰。俗名獻。字玄玄。號三丰。又號斗蓬。又呼蓮蓬。閩人。又云羊城人。七歲能奕。卽無敵。十歲習儒業。失怙恃。長入番家。華林遇至人。偕棲三十年。出山混俗。歸閩。補刑曹吏。閩人未知也。未幾因劫獄連坐。戍貴州平越衛。同解將及境。師浴于河。溺焉。明日自水出。袖各司回文批帖。解者探囊中。原文已無矣。始神之受重醜而別。至平越。千戶張信。少敏慧。善奕。師往校焉。稱國手。一日殘局。終宵抗衡。因記之。各就寢。張夢老媪。汝基當如是。而後勝。晨起。不數着。而師負矣。師大笑曰。驪山老母。大是饒舌。絲是人。知其異。遠近播傳。師將遠游。辭故人。十餘家皆餞于一日。席皆有師。人愈異焉。別張信曰。吾為葬若父。命信取骨自負。指岩窟。密曰。汝勿懼。往擲置之口中。既入。見石牛欲相啖。畏而掛角。出以告師曰。大至封侯。斯亦足矣。復授鐵椎。命往擊洞門。

石磴且曰擊不過一二椎至斷而已張力不勝擊至七方斷見金魚飛去歸白之師曰惜哉汝八口止存君一人十年後位至封侯十二年間當會於武當言訖而去永樂靖難信以功封隆平侯至十二年果賜祭武當山見師山中石岩炊瓦釜形質樵樵破衲腐穢傾米飲為茶送一棗張不飲袖其棗而別下山視棗已長尺餘驚訝復上山尋師已遁矣追悔莫及師曩居平越高真觀今有禮斗亭浴池石碁局山中嘗有人聞磬咳聲响振岩谷後移居武當往來天柱五龍南岩紫霄諸名勝洪武庚午拂袖長往不知所止

郭子章黔記

按他書云張三丰遼東懿州人名君寶一云寶雞人

范達

范達河內人有奇骨讀書過目不忘成化間棄家從異人游遂為武當山提點邑人甚至武當見達乘肩輿丰神飄逸羽從數十人與達語移時問其家事蓋已悉又數年見達童顏猶昔行步如飛不得近彼名其故居曰仙人府

桃林老道人

正德時□□劉閣剿盜漢中牛山之燕子嶺草菴有老比丘自稱元時人白首童顏

問其年不記。出度牒。紙厚。方七尺。字如縈蚓。盤蛇。蒙古書也。對人跣坐。又至桃林園。澗繞草舍。一道人。年九十餘。色不槁。云採桃實自給。左右言其橐豐。求餉。明發。攜二千人以金歸。而復召此二人。皆不知所往。

朔蓬頭

朔蓬頭。夏縣人。如意里朔德之遠祖也。里界聞喜間。就大溝上架木橋。後出遊方外。明正德中。有道人蓬頭至橋邊。云朔氏指其宅墓故址。且言村巷某處。舊有碓石。掘二尺許。得之人。且驚異。居數日。傭於張鸞家種田。忽不見。

道人題壁

嘉靖初。吳江平望鎮殊勝寺。有道人題壁。我自蓬萊跨鶴歸。山僧不遇意徘徊。時人莫解菩薩寺。三十餘年化作灰。後燬於倭。

張福

張福者。淮陰鹽徒也。性悍恣。不下人。一日乘涼樹下。有老僧同坐。老僧忽舉手擊張一掌。眾皆為僧危之。謂此惡少。奈何犯虎口哉。張默然。僧又擊一掌。不應。至三擊。則叩首曰。吾解師意矣。僧曰。爾來至一卷。與樹對坐。旬日。語張曰。若有得矣。須歸富貴。

人有善根者為外護。若妻子請謝絕，勿念也。張歸舍，其妻方與他少年淫媾，其人自床投地請死。張曰：「若有緣也，無恐。不知若有室乎？」少年曰：「未有。」張曰：「子請遂以為妻。」又呼其子，與隣老無有子者，子之曰：「亟去，無來迹我。」乃竟往投萬總戎鹿園。萬問之曰：「若何能？」請為閻者司出入。萬因置之門。萬本大家，男婦嘗數百人，出入無忌。張日危坐於戶，至晚必報主人。今日某出，出某某入，有戲豫，無禮違法者必告。居三日，萬氏門肅然無譁。又數日，萬知其急確可託也，命之守書舍，司金錢出納，則銖兩無爽，有不經者必裁節之。一日，萬自外歸，見張坐其所處，呼曰：「若胡敢踞我坐？」張起而對曰：「將軍胡無平等心也？」萬登坐，覺坐席熱如火，心異之。又一日，萬自外來，則張寢其床，萬又呼曰：「若何乃爾？」則又曰：「主人何無平等心也？」萬登床，覺床如火坑，大異之。時有吏部郎過，淮得瘵疾甚危，萬以語張，張曰：「請為療之。」乃相與背坐，吏部即覺背如火焚也。旬日而療愈，遂往京去。一日，張請於萬曰：「小子修玄，有微效矣，請一靜室求一姬為伴。」萬乃呼婢數十人，使擇。張曰：「是皆不堪，請將軍所幸姬。」萬難之，已度其人非酒色徒也，何難一姬以妨大道，竟與之。張乃挈一姬一婢入室，鑿壁而進飲食。居八月，以姬還萬，詢婢曰：「彼日與姬對坐，相去函丈，未嘗近也。」姬亦素好道，平日閑

戶焚香掃地而坐。每以悟真篇問張。張不答。亦竟無一語也。張自出關。則請主人白布數丈。金二兩。又書字一紙。緘之。與銀布同置一廂。請以某日開。萬如其言。居亡何。詣萬前曰。小子歸矣。叩頭而出。萬望之不得。使人亟追之。其行如飛。不能及也。至故所遇老僧處。跌坐合掌而化。萬乃開其所緘廂。則上書曰。小子以某日行。請以布斂。以金製龕。主人親封之。萬乃歎息。恨失至人也。居有頃。前吏部郎自長安以請急歸。來謁萬。萬曰。若知張福化乎。吏部郎曰。吾於濟上遇之。談笑竟日。胡遽有此。萬亟開龕。則僅有布在其骸。不見矣。萬諸僮嘗見之。淮徐間。萬本名將。晚歲好玄。每日靜坐守中。張謂此有為。非無上道。萬每叩其有別術。不語。但曰。天下無有富貴神僊。孰能棄三公。而薦天下賢者。以澤蒼生。孰能棄萬金。而施貧者。以脫人于死。孰能割恩愛塊然獨處。而與虛白為對。無是三者。請勿語道。少司馬許公孚遠亦識其人。津津稱之曰。故有異人也。

馮時可二氏餘談

馬自然求載通志

鹽官馬湘。字自然。世為小吏。自然獨好經史。工文字。嘗遍游方外。至湖州。醉隋臺。言溪經夕而出。衣不沾濕。指溪水能令逆流。唐□□□□□葬於其家東園。明□東川奏

劍南梓潼縣有道士馬自然白□□□杭州發其塚止存竹杖今塚不存有石井
在海寧縣西北十二里云自然所鑿嘉靖戊午武進薛應旂督學兩浙修通志意廢
僊釋不錄七月二十四日有神降箕曰丹陽道人馬自然煩大夫幸毋舍我薛曰欲
入志乎曰然遂不敢置杭州府志

高石峰

柳州東門高石峰□□好道棄家游桂林蒼梧間簡率少文晚隱端州石室十年入
廣州教人以死心孝廉李潔問上弦克八下絃良八之功曰亦用之或詢以崇異曰
多事生弘治庚申終天啟壬戌九月年百二十三歲

呂僊自序

萬歷初萬守禮殷士儋楊博王家屏諸大考會燕邸齋素求呂僊箕書本唐之宗人
名瓊字伯玉配金氏生子四甘美豐充年五十登第授縣不意有日月當空之禍凡
我同宗觸之者滅予甚恐棄四子攜妻山下築于洞僅兩口故氏呂名岩字洞窳後
妻亡號純陽子

道士火遁

山陰王禎學。萬歷乙未進士。是春讀書京師西山。夜對燭。俄閃爍有聲。見人自燭出。可三四寸。盤走几上。尋登坐。則修一二尺。如道家裝。侍兒驚匿亡何。又盤走地上。儼然人也。語王曰。毋我避也。且乞茗。因共語。鳴雞而別。漸縮如初。入於燭。明日訪京邸。中貴云。是日大內齋期。或道人火遁也。王終南海令。其甥朱若一說侍兒尚存。

麻城道士

麻城道士□□以道術著。黃州守某憂子婦困蓐。布幣求療。道士方象奕奕畢。語使者曰。爾第去。無恙。第胎衣中還我一碁子。使者反。果產胎衣中碁子在焉。包令孺說


清河異人

萬歷七年十二月。有異人經清河縣之唐家口。坐而化。謠傳為我佛涅槃。遠近喧傳。男女焚香者數千人。大為地方憂。時令向日紅入朝。明年三月還任。時衆已漆其屍。而神之立廟。日紅陽為祭文。默約值一枯竹曰。屍誠神。三日生吾竹。仍為廟。否則不廟也。越三日。竹尚枯。乃毀而瘞之。謠言頓息。然人竟不解其故。或曰病也。清河縣志

尚道人

姑蘇尚道人。不知其所自。做緼行乞。歷暑寒如一。冬月鑿冰而浴。人咸異之。嫌其垢。

不欲近而就問多驗弘光二月坐迹鼻垂玉柱尺許時予客蘇郡值華亭朱尚書國
盛國盛好養生家言云嘗就問道人誠異人也。



明 鹽官談遷樸木著

烟墜

柄相末路

嘉靖戊申年。大學士夏言臨禍貽憲副吳學愚賢婿。吾擇婿得汝門楣光矣。患難賴汝扶持。累汝受驚苦多矣。無以為報。但我有志恢復河套。實欲自盡犬馬之忠。不虞至此。今復何言。今且死矣。身後惟有平生奏疏詩文諸稿。望子為我編校成書。諸序并年譜。乞借雄筆。以賴不朽。諸稿有文五春一經手。亦已囑之矣。我平生大節。賢婿所知。得禍之詳。賢婿所悉。他日世有公論。不能無望賢婿紀錄。願留心。千古之託也。處分家事。別有遺囑。賢婿亦與。但望教道諸子姪輩。各宜守分。仍道我苦處。俾勿起爭端。以召意外。且以彰吾之過也。遺言賢女安人。我止有汝一人。又不得一見而死。千里遠來。何以為情。哀哉。哀哉。身後望汝歲時墓上看看。奶奶今不知生死何如。又不知去配所否。今不能作書。或已死已去。不可及也。生離死別。家散人亡。可憐誠可憐哉。勿復道。勿復道。汝夫婦各要和睦。世上事。汝今知之。懽樂難得也。口擲筆長逝。

勞形生何為。忘情死亦好。游神入太虛。相伴天地老。

吳春山東按察副使

萬曆十二年。故太師張居正子禮部主事敬修。自縊遺詞。

四月二十一日。聞報二十二日。即移居空宅。男女驚駭之狀。不忍言。至五月初三日。丘侍郎至府。初四日。即差官提張敬修面審。其中細微曲折之情。不及多言。但其大注意。在屈坐先公以二百萬家資。又要我扳承天夷陵本縣三家。要坐曾確菴家。寄銀十五萬兩。坐王少方家。寄銀十萬兩。坐傅□川家。寄銀五萬兩。他云。依說便罷。如不從。則當奉天命事。其間恐嚇人之語。令人膽破魂飛。嗟嗟。此三家者。皆怨仇禍患。與張門同之。以數十萬為寄。何其愚哉。或當事者。處心畜謀已定。區區何能分解。而威勢所使。只得欺天。枉人從之。夫數十萬銀。吾意三家縱濫。亦何能有如此之積。天上飛來之禍。何愛片言之重。只得從口事之意。蓋料三家斷不能完結此事。吾日後何面見之。區區微衷。不能自白。恐後世以敬修為何如人品。今又以母子叔侄恐團聚一處。有串通之弊。乃如五月一日。□□出婢。追令隔別。不得相聚接語。而母南子北。夫東妻西。又懼會審之時。嚴刑拷訊。羅織鍛鍊。後日事又大可慮者。今幽囚倉屋。風雨蕭蕭。青草鳴蛙。無不助予之悲悼。人非木石。豈能堪此凌鑠。告知神明。決一瞑而

萬世不視嗟嗟人豈不貪生畏死而敬修遭時如此度日後決無生路孔子之聖也而死顏回之賢也而死况平日于生死利害審之熟矣今屈死黃泉勢不容已承家祀祖并奉祖母二母饘粥則有諸弟在子母哀受辛苦子妻素賢明善持閨內有古烈婦風吾此舉不能自保可憐我幼兒女皆六歲□□稚子言至於此痛心酸鼻不能終其說他如先公功罪與近遼潘誣陷事情則自有天下後世公論在敬修不必言也獨空坐二百萬又欲屈坐曾王傳三家二十萬欺天枉人不得已託言片楮沒齒以代剖心此書各司道一目非肯為溝瀆之行五月十日寫完以期必遂而夢兆稍吉不果至十三日各欽差上司會審叔侄俱嚴刑拷訊偏勒扳扯他人亡慮數十家扳而合諸公意即首肯之不合其意者叫另開來合則從不合則夾打令人魂落無生氣嗟嗟此古宇宙未有之情父母遺體生平眼不見刑具脆薄之軀豈能勝之各位上司奉命而來如得其情則哀矜而勿喜可也何忍遽至於此嗟嗟此數之莫能逃也即令扳各家倘臨時對理不驗何以見諸公面且諸各扳扯亦多人皆平日所未聞者吾輩寧死豈能扯他人以解己之禍甚矣上天之愚弄人也而又使吾叔侄輩自愚何忍任巡按作活閻羅也有父母妻子之念何忍殺人媚人以如此之酷

烈也。今不得已而死，明心萬分出於不得已。若三十日拷訊口詞，鄉里三尺童子憐之，知之不必多言。有便乞傳山西蒲州張相公說張門事已完結矣。無煩挂念。願他輔佐聖明天子於億萬年也。

談遷曰：讀夏氏張氏兩書，令人凄然以泣。方其秉國之鈞，百吏震竦，氣勢迴山嶽。一朝失據，步入西市。諸子為囚，富貴安在哉！今貴溪江陵之論定矣，功九而罪一。敬修懃死，亦知洪朝選劉臺之冤乎？昔關將軍沒後，時在荊州玉泉山，現靈有僧呼之曰：顏良文醜頭安在？敬修書成之曰：洪劉之冤案結矣。丘侍郎檇齊人之有聲望者，懸賍酷拷，貽楚患數年，卒無子，亦未嘗無天道焉。

崇禎十六年五月□□大學士周延儒放歸，復見徵，知不利，憂泣，或請解於宮中，賂嘉定伯周或十萬金，或達之。中宮以駕久不至，奈何，請授指。東宮。東宮每晨謁，至是啟曰：近來久不見周先生何也？上曰：爾何自知先生？曰：父皇嘗稱周先生故知之。上曰：此非好人，今不得稱先生。上心知其指，尋賜死，迨曙，錦衣衛□□


□同法曹至私邸，排闥而入，相國披裘起，裹絨巾，家僮見耳目有異，各驚匿，求青衣未得，緹校脫而衣之，拜命飲泣，求筆墨占句，倉皇不屬，使者促之，掣筆就縊。

狂謔

餘姚諸燮子相。嘉靖乙未進士。除兵部主事。以簡伉忤時。謫茶陵州同知。量移潮州。通判。轉邵武同知。寬簡御下。勤於勸學。氓士胥悅。燮素深經學。脫畧自喜。家居惟授徒自給。後客嚴陵。大醉般礴。裸游桐江。龜噬其陰以死。

崑山王逢年。游京師。為相國慈谿袁煒掌記。時飲于市。遣使四索。因諷之。怒曰。爾時文登第。玄文拜相。乃牢籠天下士乎。去之。逢年嘗偽撰漢黃憲天祿閣內史。隆慶初。逢年坐事死。

吳縣張獻翼。幼于太學生。能詩。好游仕路。狎聲伎。慕古稽阮之習。與友人張孝資。或紫衣挾伎。或跣乞市中。或歌或哭。獻翼贈孝資詩。中年分義深。相見心莫逆。還往不送迎。抗手不相揖。荷挿隨吾行。操瓢並吾乞。中路饋吾漿。攜伎登吾席。蒿里聲漸高。薤露歌甫畢。子無我少雙。我無君罕匹。獻翼每念故人及亡伎。輒為位置酒。向空酬酢。孝資誕日。生祭。自為尸。獻翼率子弟。裹麻環哭。上食設奠。孝資享之。翌日行卒。哭禮設伎樂。哭罷痛飲。曰。收淚。自是率以為常。萬曆甲辰年七十餘。挾技居荒圃中。殺于盜。沒後人惡而諱之。



明 鹽官談遷孺木著

緝候

五行

儀封王子衡及相曰。甲乙丙丁。子丑寅卯。大撓作此。以紀歲月日時。非有所謂甲乙屬木。子亥屬水之說。然亦偶爾宗之。卽以當年為甲子。歲仲冬為甲子月。冬至為甲子日。半夜為甲子時。不知幾歷幾千歲。後人乃以五行分配之。此半塗立論。無所本始。不待智者而後知矣。且夫五行之氣。無則已矣。有之則一日之內。無不全體俱在。安有今日為木。明日為火。又明日為土。為金。為水乎。何春止為木。夏止為火。秋止為金。冬止為水乎。何土為旺於四季。而餘日土氣卽絕滅乎。答何粹夫論五行書

新都楊用修慎曰。今之易卜。以甲乙起青龍。丙丁起朱雀。戊己起勾陳。庚辛

起白虎。壬癸起玄武。蓋不通理者遷就之弊。戊己同為土。豈其分為二。騰蛇為北方

水獸。何以移之中央乎。今定其次。戊己共起勾陳。而壬起騰蛇。癸起玄武。得其當矣。

何也。北方之次。於卦為艮。有終萬物始萬物之意。於方為北。又為朔。於人身為腎

有左右。於卦為習坎。於器為權衡。于物為龜蛇。於色為玄黑。於官為修熙。於四德為貞正而固。亦兩事也。於太玄罔蒙直首冥以配四時。而冬兼首冥。且壬為陽水。以騰蛇之雄配癸為陰水。以玄武之雌配不易之道也。此悞千餘年矣。卜之不驗。豈不繇此。

東粵李潔曰。久晴遇丙丁必雨。久雨遇丙丁必晴。而庚甲次之。若遇丙丁而不變。是謂日月不換。丙乃天地之病。故病從丙也。北方淫雨。百姓即請官吏祈晴。仁政之先務也。南方往往太遲。八月有二。易緯以節名。氏春秋以方。烈風多起於戊日。而箕宿次之。

雄日

甲子值單日為雄。雙日為雌。

日中有樹似松名空青之林食其葉者身為金光

子日

正月上旬無子日。大臣不安位。

魚周說

上戊上丁

李夢陽曰。□□辛社稷上戊。孔子上下。戊在丁後。故先丁。如十日丁。則一日戊當先。

戊而後丁。以丁不常十。故人鮮知。一日之戊。弘治間吏部主事楊子器上言。戊從和日之丁。則次戊非上戊也。時無諳禮者。竟寢不行。

制日伐日

入山當以寶日。及義日。專日者大吉。若制日伐日。必凶。靈寶經奇門書云。假如甲子日。子水生甲木。下生上也為義。乙丑日。乙木克丑土。上克下也為制。戊辰日。上下無犯為專。庚午日。午火克金。下克上也為伐。丁丑日。丁火生丑土。上生下也為寶。晉時拜官封爵用寶日。上任用義日。五雜俎

立春

立春日。邑首甲糧長二人。夜半於縣治前畫地植草。如耕種狀。值人畜即止。以下歲多驗。萬曆中嘗失期。誤春田。官呵之。答曰。諺有之。不種田時乞白米。歲果稔。成化元年。崇禎元年。並元旦立春。華亭陳繼儒眉公楹帖。歲朝春百年難遇。聖天子萬壽無疆。

立春日望三素雲。見修真八道秘言。

上巳

三月巳日始為上巳非三之日也

黃梅雨

周處風土記夏至前雨名黃梅雨杜工部梅雨詩南京西津道四月熟黃梅湛湛長江去冥冥細雨來茅茨踈易濕雲霧密難開竟日蛟龍喜盤渦與岸迴按玄宗幸蜀置成都府尹號為南京讀其詩梅雨與江浙不異也今俗作徽字

競渡

黃州俗五月十八日有龍舟之戲設屈原像及祇候俱運機振服飾極麗金簪玉帶費嘗二三百緡土人舁舟送之江中順流至其灣土人先泊舟掠以為常

火把節

雲南六月二十五日入夜家家束松明為庭燎雜以草花高丈餘燃之殺牲祭祖老少圍坐火下飲酒達旦自官署都邑以及鄉村田野無不皆然謂之火把節又謂星回節相傳漢夷酋阿南夫為人所俘誓不從賊以是日赴火死國人哀之因為此會一云孔明明是日擒孟獲侵入夜城父老懼呼設庭燎迎之

漢程記

或云弔忠臣王禕非

中秋十六日

四明中秋宴飲以十六日。初宋相史彌遠官臨安還家度節阻風至是夕始到遂沿為俗。

九日

御袍重陽所服製為菊朵

大小清明

福建將樂歸化人以三月為小清明八月為大清明展墓者間小廢毋敢大廢。

朔望行香

洪武十七年勅每月朔望祭酒以下行釋菜禮郡邑以下詣學行香按朔望行香之禮古未有也北齊每月朔祭酒博士諸生展拜階下郡縣朔朝是時未熱今謂所香也然朔望行禮則始於此其後遂以朔望行香朱子曰謁宣聖焚香不是古禮捻香不當叩頭只直上捻香卽出忽叩首而拜由是言之則宋亦然矣但儀節與今不同今只行拜禮

東陽王嘉忠
澄海縣志

天門

鄒洗馬德溥疾篤幼孫方六七歲同二三女童見天門開空中有大白鶴背跨冠緋
秉笏者兩翼金甲神挾侍弓乃鶴飛欲下又旋轉再四須臾入室不見僅白雲從庭
左角自地及簷而去不旬日鄒逝

姑蘇沈文字雖優人而事母至孝當語予曰萬歷癸丑七月三日露坐中夜俄天門
開流光晃耀朱几上罇爐歷歷在目亟呼母出視母命拜良久而隱戊子九月二十
五夜漏且盡天門開有火龍自東向西北又一龍相接掉尾落數小屋

月

崇禎乙巳十一月□日邑人洛塘周氏出葬夜分月中界盡如十字人皆見之
庚午七月六日有小星入月良久乃出自東而西去月二尺許竟不動

風

崇禎辛未六月庚戌臨潁有大風林氏杜氏等家產俱飄半空銅鐵器碎盡甌器獨
全

庚辰七月天津巡撫李繼貞閱武帥旗不風而動明年三月亦然且作笙簫聲見邸
報石尤風李義山詩來風貼石郵

二雨辨

無錫邵文莊寬。二雨辨云。雲興于山。勃然滿盈。卽蘊而隆。以雨者山雲也。謂之山雨。雲興於海。倏然彌漫。旣翕而盛。以雨者海雲也。謂之海雨。海雲之雨。乘風以行。雷鳴則止。山雲之雨。挾雷以動。風吹則散。此其大凡也。海雨夏少而秋多。山雨夏多而秋少。亦各宜之。易是為變。而無雷矣。天台王子春云。雨師屏翳。風師蜚廉。雷師豐隆。

雀錫

餘杭徐司理茂吳桂。卒之歲。甘露降於後園。新安吳山人德符元曰。恐是雀錫。果應其兆。

雷

嘉興吳太宰鵬。家內樓。雷震死。凡金玉銅甕之器。俱一細孔。如粟。海寧轉塘徐氏有婢。抱主人兒。被震死。雖兒無恙。後若干年亦殤。姑蘇人某。雷蒸其袴。外衣毫不損也。雷神亦善戲矣。

萬歷戊辰六月二十日。福建平和縣東廂外陳孫家。有兒在輿中。雷震其輿而碎。兒仆地活。

天啟乙丑廣州濠弦里方氏婦張孀居。元夕觀燈。俄黑犬隨歸。一月夜忽電光燭一室。婦攜幼孩坐榻。犬若懼甚。依人。時見數神。若十四五歲童子。無髮者。環榻二三尺。欲前。踰時忽捕犬去之。

清朝辛卯。四月九日。蘇州張某。雷焚其廩米如粉。時米貴。某索高價也。

江南二十八景

華亭顧東江先生清云。江南二十八景。梨花滿放。梅萼盛敷。茶笋初肥。桃柳相媚。枇杷摘金。楊梅獻紫。牡丹鬪色。芍藥繁粧。海棠曉睡。薔薇晝香。芡荷新發。菱芡初嘗。尊鱸正美。秫酒始釀。稻花成雲。麥風如浪。鱒魚薦鮮。紫蟹滿膏。橙黃摘綠。蒲長葦茂。菊圃十名。杏園一色。松花成餅。桂子為漿。蘭蕙列庭。水僊置席。鶯啼春樹。鷺映秋波。陸平泉曰。尚有二景。菜花如縵。稻米如玉。馬元成集

日本小歷

弘光初。有攜日本小歷一紙來者。並夷字。首題寬永二十一年。及大將□等字。彼遐裔何嘗奉正朔也。

嘉靖乙酉橫口農人孔方產兒侯命西樵野記

萬歷丁巳正月二十八日奉化縣後楊村男子張一產兒并活亡恙張妻舒氏未姓

同盧某負販或曰兒之孕盧為之也

又大同中翰馬呈德婦萬歷癸卯孕庚戌免身凡姪六年子三歲能誦詩書見謝肇

浙江五雜俎

人疴

崇禎庚辰吾友王介人湖至徐州豆作人面如畫至於虛畝攜歸見之又太行山桑

柳並生人三四寸裸而黑榻燈上口噴噴有聲

雞腹小兒

嘉靖二十六年太倉州塗松鎮沈氏殺一雄雞剖腹得小兒五形皆異州志

飛蓆

嘉靖三十四年會稽有物方長如尺牘飛空中映日作金色數鷹繞逐之有囚劉朝

忠祝曰果祥也則墮已漸近果墮則縣令古文炳草蓆也官命禳之會稽縣志

大明門黑氣

崇禎己巳夏卜者周午暘語□□賀中冷世壽曰黑氣蒙大明門久矣非休徵也及十月遵化失陷烽火徧於都門。

鳳陽鼓樓

壬午鳳陽鼓樓忽攝去成平地太守往驗坐良久俄晦冥聲如風霆樓復故鄆縣錢光緒記

集異

丁亥八月晦是夕天上嘒嘒有聲如潮十餘刻乃息又是月七日午刻日旁有一星明日亦如之

十月松江黃浦鯉魚大上至妨穡

嘉善東門民家雞翼生爪各邑多有之江陰獲雉足如鴨

戊子冬至前一日薄暮鳳凰自海鹽過海寧向西北而去萬鳥從之約二十里斜橋趙氏蒼頭見之

庚寅四月六日有斷龍墮蘇游野關見邸報

九月十七日錢塘北高峰崩明日靈隱寺鑿土得□僧□□墓


十月朔午刻日食既望日嘉興東門外雨絮友人金翁孫龍友舟行親值之夜月食

二十四日夜黑虹竟天起西南指東北若開闔者二

辛卯五月二十三日大雨海鹽東門外漂一樹。巨數十丈。

七月寧波府有異獸。兩角。驢面。馬鬣。豕蹄。尾短僅三寸。如鹿。色黃。自祖關墮於老龍灣。躍岸。郡人驚逐。越城而奔。至湖西民家。復逐之。遂出西門。走二十里。獲於高橋。送郡守。轉至海道王爾祿。觀者如堵。皆莫知其名。或云山羊。以糞似之。數日。死人啖其肉。味類鹿。是日定海城獲一鹿。亦以進。

八月大星隕於海。



明 鹽官談遷孺木著

名勝

石經山石經

順天府山縣西南五十里石經山。峰巒秀拔。故曰小西天。隨大業間僧靜琬懼本教有難不能流通。發願募工鑿石刊造一大藏經。積於此山。以備其後。至唐貞觀初。僅成大涅槃一部。法師卒。其後人遞刊造餘部。歷遼金始完一大藏。貯於岩洞者七。地穴者二。洞鑿以石門。穴鎮於浮屠。自來兵燹不之及。一統志

破石山

澤州城南三十五里破石山。高數丈。頂平若砥。從橫十餘步。相傳慧遠隱此。著涅槃經。成擲其筆曰。若疏義契理。筆當住空。已而果然。因名擲筆臺。

金窰山朱書

豐潤金窰山極險峻。山腹石壁間。宛如門扃而不可開。上有朱書數行。可辨識者。惟縱有黃金人。不見七字。其書雖極力磨洗。不滅。人以為金窰所在。豐潤縣志

邯山

漢地理志邯山在東城下。金地里志云邯鄲有邯山鎮。卽今城東代召鎮是也。又水經云牛首水出堵山。東經邯戰阜。卽張宴所謂邯山在東城下者。以今觀之。東城之下。不惟無水。且無山矣。然則三說何以云爾也。嘗謂水經之言。謂邯戰阜卽邯山。此說深為有理。蓋土高曰阜。不必其崑然峨然而古人皆謂之山也。夫求一阜於千百年之下。能保其不為平地哉。況山夷則水竭。而邯山之下卽有邯水。亦漸漸乎其漸涸也。余觀浮鄉縣有所謂浮丘山者。今亦漸平為地。大抵皆邯山之類耳。邯縣志

二郎山

遼東綿州城北三十里。二郎山破石多如彈丸。可入砲而輕。督師孫承宗戲曰。二郎神好用彈。想其餘物。

二郎神為清源妙道真君。卽嘉州守趙煜斬蛟者也。未詳何代何封。稱為二郎。

倚陽山

林縣倚陽山。桃花洞。北齊高歡冬月被兵圍於此。期以桃花開。兵解。已而桃花果開。

圍遂解。後洞口桃花冬月盛開。今不存。林縣志

水神山

山西孟縣東北十里。相傳昔周世宗女秉性貞烈，不欲適人，潛於是山樹下涕泣渴而思水，扣地得泉，自縊於樹。鄉人因立廟祀，曰水神山。

火山

太原河曲縣西五里，古稱火山。山上有孔，以草投孔中，煙焰上發，可熟食，不生草。

呂梁山

永寧州東北百里，呂梁山，俗名穀積山，與交城接界。呂不韋曰：龍門未闢，呂梁未繫，河出孟門之上。

石鏡山

寧國縣石鏡山，有石如鏡，足以鑑物。黃巢寇宣歙過此，照見其狀如獼猴，大怒，積薪燔之，石遂無光。久乃漸復。寧國府志按石鏡山不一，吳地記臨安縣東五里石鏡山，有石鏡，徑二尺四寸，甚清，具見人形狀。

陰陵山

陰陵山，今全椒縣東南二十五里。九鬪山，云楚兵敗，欲東渡烏江，經此，與漢兵一日。

九關。其小石尚有礪劍跡。有迷溝。為田父給處。今三汭河有霸王廟。所產艾草皆低頭。為羽曠甲壓之云。全椒縣志

齊雲山善惡

休寧縣齊雲岩。嘉靖中改稱山。立玄天太素宮。曰善山惡山。善山為君。惡山為夫人。分祭則灾。合祭則福。

天臺山僊女

天臺二僊女。宋景祐中。口明炤採藥。見金橋跨水。光華炫目。有二女戲於水上。殆水僊洞府也。

天臺縣西七十里。明岩。岩西有泉。蔽崖而下。渙若垂箔。寺僧亦用竹緷引之。從高下墜。號曰永索。

天台縣桃源。千山萬山。人煙斷絕。其中古桃樹。年深化為精魅。常迷人。宋王介甫夜坐。梅月照軒窗。讀易。忽有一妹。容顏姝麗。見介甫。自言知易。遂相與談論。畫前妙理。實能發人所未發。介甫喜甚。間得報司馬君實來訪。介甫出迎。至軒中。彼妹即隱身。不出。及司馬出。彼妹復來。介甫怪而問之。對云。妾乃此梅花月之妖。君實正人。妾不

敢相見介甫爽然

僊居山蝌蚪篆

僊居山縣西四十五里險絕難升。上有石壁刻蝌蚪篆文。晉義熙中周廷尉領郡造飛梯以蠟模之。莫識其義。後守阮錄攜衆往觀。雲雨累日不見。僊居縣志

雲黃山

義烏縣南二十里雲黃山。傳大士餒虎餘飯化為石。青白而紫。有陶氏居山下。嘗資給大士。遂視之曰。它日以飯石琢數珠。瞻汝冑。自茲授記。惟此一氏家能之。女已嫁。則不能。他人倣效。石卽穿裂。義烏縣志。傅翕。義烏稽亭里人。因取魚食嵩頭陀曰。試自照水。乃見員光寶蓋。卽悟前因。因具開道場。頭陀指山下雙擣樹曰。此可以結庵。苦行七年。忽三佛來自末方。有金色自天而下。集於其身。從是身嘗出妙香。聞空中聲。偈。梁武帝召赴一次。入重雲殿不拜。徑登寶榻。與帝問答。詔還山。號善慧大士。

玉華山

蘭谿玉華山。庚寅七月。忽裂二三里成潭。又距十餘里。曰橋下湖。有巨魚如巨土人。毒以巴豆不得。

伏龍山

襄陽城西三十里伏龍山。為隆中。諸葛氏草廬也。今有祠西八角晉井。頗宏敞。明襄簡王葬處。竟乏嗣人。謂武侯之英爽可畏。又南陽距城八里云。八里岡亦曰隆中。岡勢蜿蜒如帶。高僅數丈。亦有祠。嘉定徐宗伯學謨俱游之。謂襄陽可據。宛人不能攘而有之。蘇子瞻詩。誰謂襄陽野。生此萬乘師。蓋指伏龍山云。見宗伯集中。

玉泉山

荊門州玉泉山。有關侯祠。祠下方二十步。皆黑土。相傳侯嘗住兵。作書遺其子平。書罷以研汁擲地。故至今土為之縑。其青龍刀。豎石罅中。以手摩之。輒動。然千夫之力不能舉也。

孔子山

及學士大夫皆曰古跡實然。歲上元夜。家置一罏。當戶高五六尺許。實以雜石。附以石炭。夜煉之。達旦。焰光上燭。天為之赤。至於今不廢。是謂補天。文裕語。太宰喬莊靖守曰。女。皇。察。物。宜。先。民。用。故。制。此。以。通。昏。黑。之。變。輔。烹。飪。之。宜。蓋。曰。補。天。之。所。不。及。耳。

崖山

太原縣東有崖山。天旱，土人燒此山以求雨。俗傳崖山神娶河伯女，故河伯見必降雨救之。今山上多生水草。

羅浮山

羅浮二山相合，屬博羅縣。取道增城則近，其上多奇植異卉，有松尺許，匣置數年，植之復生，有竹葉符，每竹止二符，乃篆書仁字，色白，浣之不脫。五色鳥，特集人肩上，虎不噬人，有王野人園，花實森茂，春冬亡間，游人任摘，持歸卽迷道，而園原無定在也。又有仙樂，風月靜夜，每聞之，道士擬製，今冲虛觀所奏，頗得其聲。李渤

銅鼓山

貴州威清衛西四十五里銅鼓山。諸葛亮南征於此，獲銅鼓，故云。土人云：山有洞，藏武侯盔甲，先代有可入處。今石門榛蕪，人或臨之，蛇蜂交集不可入。每值陰雨，聞者如銅鼓鏗然作聲。貴州通志

金陵岡

金陵岡在應天府龍灣，相傳秦始皇埋金人於此，碣曰：不在山前，不在山後，不在山

南不在山北有人獲得富了一國殆以此地氣盛誘人鑿之耳其愚黔首若此而亡秦者泗上亭長乎予嗟夫祖龍之愚應夫府志

飛來峰

錢塘靈隱山之飛來峰元僧楊連真伽徧鑄佛像至明嘉靖□□太守福清陳仕賢以楊及郊僧聞僧三石像斷其首瘞獄中獄役實誤毀佛像也近來有續其首以佛故亦多事陳仕賢嘉靖主辰進士

回雁峰

衡山回雁峰相傳雁不渡衡陽然衡陽之南亦有雁但過此則漸稀耳或曰峰勢如

雁翼之回

衡陽府志

六真洞

山陽縣六真洞元真人丘處機劉處玄談處端王處一郝大通馬鈺

燕子洞

貴州平越府有燕子洞紫燕千百為羣潛藏於此冬不北鄉洞口二丈其土疏而黏黑而肥土人用之糞田進洞口二里持炬至大洞源泉混混聲如鳴金有時響聲如

擊楫時有黑衣人乘霧出入。豈燕子聚精耶。黔記

燕子岩

林縣燕子岩在炭場北。秋冬燕子蟄其中。彰德府志

七盤坡

藍田縣東南有七盤坡古武關之地。

鵝公坡

番禺鵝公坡每風月夜集。遠聽如鵝聲。就近則無有。練要堂集

櫃兒崖

四川桐梓縣七暈溪之櫃兒崖。崖門有櫃。相傳其中器物皆具。昔人嘗借用之。後有

失其甕甌者。遂路隔不能達。萬歷間劉洪引砲碎其一角。次日復完。螺巷存稿

石硤

渾源州南磁窰口。硤石上有張君祥劉仇扇風葫蘆人過之。雖暑熱。即有風生。

四道三谷

何景明雍大記。予從入蜀漢道觀之。其西南曰褒谷。從褒入。南曰駱谷。從洋入。東南

曰斜谷。從郿入其所從皆殊。舊志謂首尾一谷非是其殘道有四。從成和陷文出者為沓中陰平道。鄧艾伐蜀由之。從兩當出者為故道。漢高帝攻陳倉由之。從褒鳳出者為今連雲棧。漢王之南鄭由之。從城固洋縣出者為斜路道。武侯屯渭上由之。此四道三谷。關南之險阨攻取所從來固矣。

長平坡

磁州城南三里長平坡廣袤八十里白起詐坑趙人於此。

大庾嶺

南安府城西南二十五里大庾嶺磅礴高聳南接南雄。唐張九齡開鑿新路兩壁峭立中路坦夷。一曰梅嶺以漢將梅銷得名。銷從吳芮定百粵有功封臺侯。臺嶺即梅嶺也。後因銷將庾勝兄弟居守又名大庾嶺。嶺下舊有驛。宋郡守趙孟適書扁。有女子題壁曰。妾幼時侍父任英州司馬及歸聞大庾有梅嶺而乃無梅。遂植三十本於道。因題詩曰。英江今日掌刑回。上得梅山不見梅。輟俸買栽三十本。清香留與雪中開。宋鹽官張九成明。張孟奇俱補植數百本。

貴州城北八十里高崖之上相傳昔有黃冠結屋其上今籬尚存歷歲不腐

天花里

正統元年五月六日午刻鄞縣隱士虞德全家天花如雨飛滿庭中其形若米色若玉積深尺許七日始化郡守鄭珞名其鄉為天花里

永義鄉

嘉靖壬子廣東峒寇作亂平之設廣甯縣有民馮世瑞納款立永義鄉居之

仁義鄉

繁昌縣唐南陵地開元中於南陵仁義鄉置石碌塲因其地產百姓輸納

捲簾莊

諸城縣北四十五里捲簾莊在漢王山西南地周五六里雖深秋嚴冬亦不見霜諺云捲簾莊秋冬不下霜

謊糧墩

全椒縣西南五十里謊糧墩在蘆陂澗東舊傳吳伐楚吳糧盡伍子胥以土為墩覆米其上故名今觀其形碁布星列約五十餘所亦奇觀也全椒縣志

鯨隄

鯨隄在清河縣西南三十里。延袤千里。自順德廣宗界東。相傳鯨治水時築也。清河縣志

博浪沙

博浪沙。據史在陽武縣東南三里。今在東門內。開封城北。亦曰博浪沙。陽武縣志

紅土

宣府蔚州衛城東南三十里。太白山多奇山。其紅土為印色。傳為周穆王乘八駿游此。馬斃。其血化為紅土。蔚州志。又貴溪縣龍虎山有五色土。張真人以書符錄。

河南新鄉縣東北近於衛河。有紅土岡。其地有雨水如血。俗傳紂血流漂杵於此。

山都

汀州郡治初造大樹千餘。其樹皆山都所居。有三種。下曰猪都。中曰人都。其高者為鳥都。即如人形而卑小。男婦自為配偶。猪都則身如猪。鳥都人首能言。聞其聲不見其形。人都或時見形。當伐木時。有術者周元大能禹步為厲術。以左合赤索圍木而砍之。樹仆。剖其中。三都皆不能化。執而煮之。牛鑊內。閩書

鐵城

蔚州府洪武七年立甲於諸邊號曰鐵城周七里十三步高一丈五尺堞六尺址闊四丈堞口七十有八門樓三各五間角樓四各三間俱高二層靖難時炮擊其一又回祿灾其二後不復補昭臣節倣天變也蔚州志

碗子城

澤州南九十里太行山絕頂今屬懷慶府河內縣羣山迴環兩崖相夾中立小城隱若鐵甕經行者須扶策徒行即宋太祖肩石之處正統間寧山衛指揮胡剛鑿石平險以免推車之患。

沁雪石

趙子昂鷗波亭前有石二曰沁雪曰垂雲垂雪流落雲間已不可考沁雪石在常熟縣署中有鐫字或云沁雪子昂妾也錢侍御岱乘邑侯女疾嗾巫言石為祟出之得歸錢氏在徐上舍處

嘉興東門內范氏舞蛟石亦子昂鐫題今在金氏

憂懼石

永樂初尚書夏源吉治水江南立石嘉善西塘鎮福源宮前限水水止限下則懼過

此則憂。

中丞石

福建長樂縣十都。有中丞石。昔有為中丞者。未遇時。過此誓曰。不為中丞。不過此石。後果然。因名閩書云。長樂縣二十一都。石上刊中丞二字。唐潘獨坐南歸。憇此。里人鏤之。

棗陽石

棗陽縣石。有青。有白。黃。其白者向北拱。如遇朝廷採用。先期鶴鶴畢集。居民知必有大工。

掇刀石

當陽縣關羽祠。有掇刀石。相傳武安屯軍祠下。土方二十里。黑如墨漬。

望夫石

望夫石。人稔知之。肇慶府四會縣西二百里。有新婦石。夫為商不歸。久望遂化石。宋林小山詩。瘦骨凌層立海湄。綠苔曾是嫁時衣。江郎去作三衢客。目斷天涯竟不歸。

天涯海角石

成都有天涯海角二石。天涯石在中興寺。故老傳云。人坐其上。則脚腫不能行。至今人不敢踐履。海角石在羅城內西北隅。角高三尺。以有廟。今不存。

雙魚石

涪川江心積石。入水千餘丈。夏漲不復見。冬春如梁可游。深處鑿有雙魚。見則年豐。唐宋元題名甚衆。通四川志

文石

雲南點倉山北麓石。白質黑章。膩若截肪。豚為屏幃。其最佳者。蒼素分明。山川遠近。雲林晻曖。若天生圖畫。不脛而走。四方好事者爭購之。相傳李衛公平泉莊醒酒石。卽此也。滇程記

僧化石

南甸州東十里。昔有僧自大理至此。坐化為石。後兵燬。止存其首。土人祀之。

鳳凰石

萬歷癸巳。詔採雲南鳳凰石百餘。有花草鸞鶴形者。然僅三四尺而止。

關索石

貴州水寧衛南二十里。道旁關索石。云關索南征。惡此石截道。以戈推擊之。石破為二。一留道旁。一飛墮道旁。因名落石。今刀痕依然。

清涼石

五台山。清涼石。方九步。相傳可容千萬。

松花石

博物志。松本石氣。石裂而受沙。即產松。松三千年。更化為石。

太和伯陳萬言家有木假山。乃先祖所得。以其狀奇巧。置於庭。一旦化而為石。文理猶木形。未幾。長女被選。母天下。求名作記詩。陸承覽勝紀談

石箭

福建同安縣石箭。長一丈五尺。周四尺七寸。見存。又文王射於豐。有石箭在同官縣文王山。長二丈五尺。圍四尺七寸。見存。

石木魚

高昌雙公領下石木魚。長二丈餘。鑿六十八孔。鐫古彌陀佛名。

石樹

雲南普定進山四十里有玲瓏石樹一為桃綠幹紅花一為李青幹白花。

石鏡

輝縣西北七十里侯趙川之中湖寺。有石鏡半規能照山河人物之影。俗稱透靈碑。今昏闇云。昔有上官欲身歸。至盤山頂忽闇。乃復送至寺。

石田

貴州城南二十五里。相傳有隱士習黃白冲舉之事。甚篤。忽有道士從假牛耕石田。種玉。隱士與之方耕。治。隱士妻來索牛。道士怒。遂舍之。至今石上耕治之跡宛然。俗名鬼打耙。

水晶營

盱眙縣東南十里。外延亘百餘里。以接山陽。相傳隋煬帝陸地行舟之道。今皆軍民雜處。農莊於其間。遠而望之。霧靄霏翕。水光混漾。如瀚海停波。而蓬嶼星列。儼若帆檣。往來飄泊。每晨灑露。其景愈鮮。陰雨迷茫。猶多變幻。廝與皆知其名。盱眙縣志

地鏡水影

濟南東七十五里。東平陵城西北有陰地數畝。天色澄霽。亦若雲陰。迫視則無。齊乘

鹵城影

繁峙縣東一百里。故福都。周圍三里。百有十步。東南西三門。其地多鹵。故名鹵城。俗傳朝霽。雲霧中呈現樓堞。門內似有人馬。現則多雨。豐年之兆。人在西則見。在東不見。遠分明。近則隱。其東有齊城。其隱見亦同。今不復見。蓋見則凶也。

田目

區田

圃田。種蔬果。

園田。築土作圍以繞田者。

架田。架猶筏也。亦名葑田。

□田。築土護田。似圍而小。

梯田。謂梯山以田。

塗田。低水處。潮水沙泥。

沙田。南方江淮間沙淤之田。

雄田。交趾謂腴土曰雄田。

表田公用田樣田。甯夏新志載食貨有表田十頃，供摠府進表之用。公用田五頃，供官軍藥餌各衙紙燭樣田四頃，供祭文廟之用。餘衛同。

響地

寰宇記云：萊水出襄國西北石井岡，傍有響地，圍百步。人馬上行，轟轟有聲，掘之有

火出，今無聲。邢臺縣志

里牛

廣南府人謂里為牛。地凡四十八牛。世經堂集

苧蘿村

華亭馮元成行可游石湖至紫薇村，遇一野老，年踰八十，言此苧蘿村也。西施生於此，後有富人居此村，曰何必尚循亡國女稱乎？改為紫薇。其家盛植紫薇耳。石湖北有一溪，古名若耶溪，吳亡後改越來溪。世以浙東溪村名同，因以西施為越所獻，其實吳產也。元成後問劉子威鳳，子威曰：然嘗見楊君謙奚囊手鏡，載其事。

佛蹟

山西繁峙之五臺山、清涼石、浙東定海之落陀山、盤陀石，形模俱不甚廣，登陟雖衆

了無碍處任受人。必不登牛馬跡。

城郭氣

臨洺趙簡子墓上氣成樓臺。

恩縣白馬營。在縣西十五里。相傳為唐時故鎮。二三里外。夏秋間晨望如城郭掩映。林木蒼鬱。日出即不見。歲約數次。

汶上縣西南周三十里。每秋水泛溢。一望無際。遙視村落。在煙波沓靄。□□常有城樓人馬之狀。出於水上。謂之水市。闕亭在南。望湖中水際。時見煙雲樓臺之狀。

靈壁縣沫清湖。天色晦暝之際。陰陰有城郭狀。

霍丘縣大業陂。天晴日霽。陂中或見城郭之影。

東阿縣桃城鋪。鋪旁一丘。高可數畝。每陰雨後。煙霧中隱隱有市行車馬之形。

嘉靖二十年。景州城東八里鋪。平原廣潤。每晨日出之時。望見城郭巍然。樓櫓俱備。日高而沒。不知何祥。古書云。廣野之氣成城郭。江湖之氣成樓臺。或者此與。

景州志

□□元年。正月十一日午刻。河南滎澤縣東南三十里郭村。忽現大城。雉堞樓櫓畢具。南北人共見而駭之。總督張縉彥以聞。謂天官書。廣漠之氣成城郭。今河南茫無

人影誠廣漠之氣也邱報

鉅鹿縣北十里許。古鉅鹿之故址也。今廢。相傳侵晨霧露時。城之規模隱隱可見。良久乃滅。

海市

海市見於登萊。然不獨登萊也。凡濱海皆如之。人不經值。故無得而稱焉。海鹽周翁家。漱浦西門外。嘗曰萬歷中。於葫蘆山觀劇。忽海上現城郭樓臺。女牆內行人如織。或負戴。或荷蓋。可二十刻。頽其一隅。餘漸淪沒。浙江觀察中牟張天機石平。嘗行部海鹽。登城樓。望見海中有浮屠高三十仞。白雲滄滄從之。初謂絕島所未有之奇也。已而石塘闐沸。人皆走且呼曰。海市矣。海市矣。未幾。赤壁轟起。甃城剝落。若堵墻。少間。色變。白色樓數十間。涌出其際。窗櫺玲瓏。金碧如畫。忽蒼煙飛來。複閣盡沒。而修竹萬叢。松柏榱桷。層城睥睨。橫亘異狀。煙盡樓脊盡出。頓還舊觀。乃有長橋出於水上。隱隱歷歷。車馬無聲。樓船旗幟。似有人隊介而立。其餘若鼎若璫者。幡蓋者。盃盂。杯槍者。目之所接。手之所指。蓋不可勝數。而又倏忽盡矣。石平為吳太史駿公述之。見太史記中。

嘉靖四年四月二十三日福寧州海中浮來五山自筆架山外而至峰巒突兀上有草不化馬往來貿易闔城聚觀自千踰串乃沒蓋海市也

劉炳文海舟紀程

萬歷乙未浙帥劉文炳提舟師從海道趨登州備倭四閱月始至紀云乙未上元從台州開帆百里至金鰲山高宗南渡避金處也歷老鼠嶼出琛門風適猛烈兩礁夾起東西磯牛頭聖堂兩門尤為險阻而五嶼羊嶼昏山黃珠茶鹽兩山皆四面巉斜總莫繫泊飄逐空洋夜半颶發船各渙散詰旦於靈門山聚合出金齒門因潮浮至箬竿山復依南田壘夜觸韭山船多破損收回五爪山修艙至點燈礁犯及亂礁洋為藏龍數條爾驚觸震蕩翻激水赤天昏龍鬚捲水至半空而倒瀉船皆碎毀幾為魚鬣出白馬礁過大漠坑依險而泊由浪樁頭轉歷升羅嶼得登普陀山傍依金鉢盂巖然峙焉出此渡橫山洋入五爪湖移往廟子湖隨風逐浪直蹴陳錢山其下有太毒信宿而往回顏盡變且多患瘧疾及下八山浪崗馬蹟李壻舉皆沙石亂列其水有綠有黑有淡有辛有苦有臭有清澈見底鰕魚可數有淺灘如湖蛟龍鱗角顯著俄為颶風打出窮洋直抵倭國五島山轉經漁山假泊沙俟風息驅灘山過鼠

狼湖及上川下川鷹巢頭諸山。再入西洋。則謂之落滌。船凡撇入十無一回。乃乘颶風逐羊山上。有聖姑礁。盤礴巍峨。宛如裝砌。許山聯脉。金山衛。其柘林。乍浦。澈浦。延袤千餘里。又皆控扼三吳者也。復順流而東。七了諸港。岐分錯雜。窒礙莫前。崇明縣孤懸海外。而大陰新安諸沙。生聚甚夥。福山直對三才沙。傍通楊子江。與狼山相望。若東洲河。七星港。豎河口。黃涇河。不下十餘口。海潮灌浸。直達維揚。轉而西行。有三槿。大橫。深泝。非予。四口。張方。大樓。漚水。姜系。掘港。五港。一望無山。其川山。窪川。漁窪。三寨。窳。狂瀾澎湃。殊甚險剝。水紋斑斕。因號虎斑水。僅得開山。無畧可泊。至射陽湖之雲梯關宿焉。適反風解纜。自辰至申。沓沓頽波。極目無際。漏下三鼓。得抵鷹山之灣。問其程則餘五百里。越明日。朔風舉帆。踴躍碧虛。蹀躞於黃混水。號曰望吳。洋。依憑延真島。此皆從來人跡不到之鄉。但見靈鰲老龜。三五噴沫相噓。大者方丈。高厚六尺。殼背亂纓。長目虎口。就磯舒伏。迤邐於白山。高公諸島。登竹島之巔。四顧廖廓。惟東海所城甚邇。其夜三面受風。避入杜林山。因陟雲臺山。古三元修道上昇處也。翼日西北作雲。東南吼風。巨浪掀翻。桅檣斷折。凡三日夜。不知疾行幾千里。膠瀉汙呬。風雖少平。餘波猶湧。東方旣白。迸崖滴水之灣。隸山東境上矣。去安東衛僅

百里須臾潮至開行。二三日海天一色，並無畧嶼，可以停舟。野宿洋飄，如浮萍無定。泊菘堂山，至拓溝塔埠杜家港諸洋。越日入膠港，補繕壞船。過東島，依田橫島，夜泊福山島南。山若有神，上無草木，中有穴洞，悲鳴有聲。翼日至草島嘴，去大嵩三五十里。風浪瀾漫，海面愈賒。值有巨高島，棘簪島，靈井山，依傍海陽所，距咫尺。莫能躋焉。夜將半，犁入魚網，上探水不過十餘丈，乃莫耶島也。與遼東連界。海運所經，故道至聿青島，明光山，不半潮已達塔島，竟泉取水，相望佛山。濤沫瀝灑，宛如一掛珠簾。頃刻抵渚，聖去查山，僅幾里。上有古蹟塔，甚崎嶇。附葛攀藤，一步一蹶，得造其絕頂焉。其上復有南天門，巉岈秀拔，凌接雲際。東隈一洞，幽雅修潔。昔王陽真人煮煉於此。騎白鶴飛昇，有雲光宮在焉。傍多山茶，名子心香，馥襲人。丹井碧泉，崢嶸犄角。天然雲房石室也。登舟行於馬大嘴，見一巨魚橫於亂礁上，長百餘丈，其脊如山，口濶無鱗。今刃其脊，總數百人，僅開一肋，肉不堪烹，可焚油，棟骨一節，計千餘斤，而肉內小刺亦逾尋丈。潮回日落，携刺數根而西，遇颶風至，寧津所戍卒蕭條，煙火不過百餘家。西有岩石，參差十數里，乃西楊舍人之墓，每每作崇，覆雨翻雲。秋則遠去，掠人田禾。春夏於此邀劫過船，振舵放舟，越三百里，遙望大洋，突起數丈，如銀砌石菴，近如噴

雪飾粉。俗呼為白蓬頭者是也。其山脉綿亘，暗藏水底，密邇成山，鬱輝數百里，皆嶺崖劍峰。萬里海濤，銜注會集。秦始皇造石橋渡海觀日，神人驅石鞭之，見血至今。山石皆紅，內有成山衛，出此險道，洩自宵行。至威海衛所，開泊劉公泊，其島尚有居址。似舊有遼人在焉，不移時入大空島，島多浮石，卽頑鈍砭碇，浮水不沉，轉入寧海州外洋盤旋，落子窩之里。若清泉寨寄山所，又其扞屏，遞過福山縣入龍山港。至拷拷島，乃雲晴雨止，轉泊八角山，則見斜腫凝耀，磯嶼煙籠，始若樓臺錯列，繼若城郭周圍，俄而人馬縱橫，又俄而旗幟掩映，出沒無定，變換不常。或告曰：此海市也。傍有長山島，有黑島，上多巨蛇，產金砂，少選抵蓬萊閣矣。自浙適齊，計日四越月，計程七千里，自浙江達直隸，延袤二千七百里，自直隸金山衛抵東海所，計一千八百里，自東海抵蓬萊，計二千四百里。

謝辭海

古赤壁

古赤壁嘉魚縣北六七十里，赭石雄峙，卽周瑜破曹處。樵豎時得遺鏃沙磔間。北岸烏林，曹所戍守也。懸岸鏡額，蘇子瞻署之曰赤壁，其左就湮，僅見與弟字。嘉靖辛亥，華亭莫如忠登其上，記曰：長公鏡石稱與弟云者，固嘗偕子由來，表赤壁所存，章矣。

而賦作於黃州。要以卽事寓言。不害為情之所託。俟好古者之自定也。

物產

五方之產。名山多金玉。嶺表多璣翠。玳瑁。豫章多漆。荆南多丹。銀齒草。

原缺三字

金冶

七一。

銀井。宋時產銀之監。三冶場。天下八十四。

銅山四百六十七。宋銅場三十五。

鐵山三千六百六十。宋鐵務二十。

宋鐵場三十六。